

明詩綜卷九十一

小長蘆朱彝尊錄

釋子

長水胡璜續評

德祥 二十五首

德祥字麟洲號止菴錢塘人洪武中住持徑山

有桐嶼詩集

參相與肆力於詩夢觀因南粵建講翠作詩寓風

止菴亦以西園詩竹上幾不免西園詩云新築西園小竹堂熱時無處可乘涼池塘六月由來淺林木三年未得長欲淨身心頻掃地愛開窗戶不燒香晚風只有溪南柳又畏蟬聲聞夕陽不知所謂竹上者何語野史流傳不足信也集有句容道中詩永樂中尚存也田汝成西湖志嘗應召又有為王駙馬賦清真軒詩則永樂中尚存也田汝成西湖志云故宋時為僧入元屬念善園有風雨望月諸詩汝成志頗詳博其說謬如

此

靜志居諱誌止菴諱原出東野意主煙寺而能敏才就格尼與楚石季潭中餅塵拂鼎立柔門蒲菴以下要非其敵姚泰晴祥老泐書啟云

明詩綜卷九十一

師只今為巨孽上與閻素爭蟬坑錢塘山水甲天下秀氣毓于為靈植十年不出筆成家中山老兔愁難安暗軒小試烏玉珠雙龍隨手撒波瀾昨將一紙達寄我天孫機錦千花橫願師勿置鐵門限從他富貴來熱官鑿鐵相與數變反便欲奪去加少宛然則止菴之神嘗更妙絕時矣

車碌碌

車碌碌上山遲下山速前車行後車促後車不管前車覆前車已覆無奈何後車碌碌何其多

芍藥

春去若亡國寸紅不可容一朝兩朝雨三夕五夕風萬物不一色無以全其功芍藥是何本落在夏庭中

月夕看梅

梅花夜開香滿溪溪上月出風淒淒開門出溪看花去

落花流水無東西。枝間月落且歸去。明日看花還杖藜。
送僧東游

坐罷南山夏東游。思浩然與雲秋。別寺同月夜行船。一
路鐘聲裏千峰落木前。西來有祖意不在普通年。

九月八日旅中夜懷

秋運花爭發。寒燈客自傷。別家將一歲。明日又重陽。鄉
俗誰同與。詩情老未忘。涼風舊池沼。蕭瑟芰荷香。

旅寓

九月尚歸衣。故鄉胡不歸。塞鴻聲一到。江樹葉都飛。路
晚逢僧少。門寒過客稀。自慚蘧伯玉。又是一年非。

晏起

宿雨何由歇。春眠不肯醒。燕來猶舊戶。花落自空庭。引
水平魚沼。燒香繞硯屏。齋中無別事。閑寫幾翻經。

秋塘

獨步秋塘上。其如客思何。蟬聲送風葉。鳥影度涼波。艸
店三家酒。菱船一道歌。不堪回首處。楊柳夕陽多。

小築

日涉東園上。余將卜此居。艸生橋斷處。花落燕來初。避
俗何求僻。容身不願餘。堂成三畝地。祇有一車書。

剪燭

風處搖金蛹。煙時閃墨鴉。寸心終不昧。雙淚欲橫斜。漸
過分詩刻。虛開報喜花。剪聲初落指。滿席散春霞。

聽雨有懷

灑樹聲兼雪，捎簷力借風。每來寒夜後，多在客愁中。妙
意閑門共，燈情白髮同。之人天一角的，似高鴻。

夜歸寄東田隱士

觸熱嫌尋訪，閉門如路窮。手持東野集，思與何人同。候
雨坐欄樹，聽蟬得晚風。因之過林叟，歸步月明中。

新秋有懷

得秋才一日，秋意已紛紛。涼覺水邊早，聲先樹裏聞。高
僧在西嶺，短策不離雲。我欲尋行跡，恐驚鸞鶴羣。

題海雲寺

香剎住中流，初疑地若浮。路從沙際入，帆到樹邊收。清

明詩餘卷九上

三

磬敲漁夜，新書報橘秋。洞庭西在望，欲去更遲留。

題鎮海樓

斯樓屢易名，一上一傷情。白屋多爲戍，青山半作城。雨
中春樹出，風裏晚潮生。亦有歸鴉早，閑啼四五聲。

登富春永安寺

粟葉邨前石子溪，青山一掩路渾迷。也知谷裏多猿鳥，
未信雲中有犬雞。滿耳只聞諸澗響，回頭方覺衆峰低。
平生傾想今朝到，願結茅茨在寺西。

與姪自京還橫塘故居

桑麻田在水邨中，千里歸來共阿戎。春水野航天上下，
石橋林木岸西東。階除點火兒童喜，兄弟關門語笑同。

二載客塵如夢事。明朝溪上看飛鴻。

過湖州

平生只想住湖州。僻性迂情可自由。一片水聲中倚杖。幾重山色裏行舟。東林書卷貧猶買。西塞綸竿老未收。緩得歸程過寒食。杏花村雨聽鳴鳩。

喜友過新居

柴門不向小溪開。西阜山多稱不才。拄杖前村新雨後。故人東郭買舟來。山瓢遠慰何多幸。竹迳相逢第一迴。從此熟來溪上路。莫教行迹有莓苔。

古懷

思尋海底人爲乞。珊瑚樹持栽此庭前。顏色長不故。

明詩綜卷九十一

四

答香光居士

山北山南住雞聲。隔一峰新詩忽寄到。猶勝一相逢。

許起宗見過

雨氣來山北。茶香過竹西。芙蓉花發處。明日約扶藜。

橫塘寺

杪羅園裏好僧坊。兵火年來事可傷。白髮老人知舊跡。繞塘樓子十三房。

題明辯之画春江聽雨圖

歸來雙鬢各蕭然。見画猶能記昔年。風雨一船曾泊處。借人燈火艸堂前。

題網魚圖

溪頭三月雨昏昏。落盡桃花水正渾。網得魚多滿家。暮
賣時應不到城門。

妙聲 十二首

妙聲字九皋吳縣人居嘗熟慧日寺洪武初被
召蒞天下僧教有東皋錄

雨

密雲起崇朝飛雨灑高閣蕭瑟傍松檐透迤帶煙郭坐
來池水深吟罷林花落已知禾黍秋不奈衣裳薄

送沈行恕

挾策事行邁言往五湖濱陰風結山岳落葉滿河津之
子忽已遠我懷將焉陳志士惜白日行客念蕭晨况茲
艱難際奪我心所親中情苟不移在遠猶比鄰毋為離
別苦庶以道自珍

水仙詠

百艸秋盡死孤花麗巖阿芳心太皎潔歲事成蹉跎微
月步遙夜輕風生素波懷人豈無意路遠欲如何

題高尚書九江暑雨圖

尚書画山山巖從九江秀色開森聳况當五月暑雨交
雲氣滄勃川光動五峰削出青如蓮綠樹彷彿聞吟猿
猶瞻謝眺青山宅不見米家書画船何人出門面山立
頭上烏紗翠痕濕誰喚山東李謫仙來觀瀑布三千尺
於戈戟亂如麻使我披圖一永嗟欲買沃洲歸共隱

江山如此屬誰家

新墳行

南山崔嵬青入雲將軍取山新作墳方春迫民就工役
路上白日無行人西家舊墳雙石馬一日驅來華表下
東家翁仲今尚存一朝移來在墓門葬期日薄云最吉
鷄鳴而作夜不息新墳已成舊墳毀舊鬼銜冤新鬼喜
新墳舊墳無了期南山崔嵬終不移

題商德符山水

左山画山延祐初山如何其佳有餘飛泉高挂白蛟煉
奇峰爛發青芙蓉直疑齊東華不注又似塞北醫無閭
嗟哉好手不復得藏弃貴比英瓊琚

題焦元尚山水

明詩綜卷十一

六

淮陽先生愛画山下筆萬里須臾間既開金刹依寥廓
亦有綠樹臨潺湲竹間鳥啼春雨歇洞口花落晴雲閒
知君高志在丘壑著我溪橋相往還

游石湖

近聞移居湖水頭蘭若下瞰滄波流獼猴夜偷錫杖去
鷗鳥日傍闌于浮揚州月照五湖白洞庭木落三山秋
相望只隔半江水安得贈之雙佩鈎

苦雨懷東臬州堂寄如仲愚

四月淫雨寒淒迷邊軍夜歸聞鼓鼙大麥漂流小麥黑
富家歎息貧家啼書囊留滯北山北草堂故在西枝西

焚香掃地蚤閉戶莫遣袈裟沾燕泥

發金陵

大船浮江江水中流蕩漿駕鵝鳴楚雲無情自西去
吳山不斷來相迎坐依北斗近人白臥見河漢當空橫
舟中有客且勿語聽我竹枝歌月明

東臯禱興

三高祠西湖水東浦口水與長橋通人言此中可避世
來結茅齋如已公

題畫

目極江南有所思餘不風雨落花時錢郎應恨春歸盡
獨倚東風寫折枝

明詩綜卷九十一

七

至仁二首

至仁字行中自稱熙怡叟番陽人元末住紹興

崇報寺洪武初主虎丘寺有澹居臺

詩話澹居臺爲饒州路總管府判官皇甫琦廷玉所編僧克新序之嘗
撰楚石行狀有云浙水東西號召者十有六人余與西齋琦公夢堂
公與焉則詩雖刊行於至正
中而寔登明初之法屬者也

吳越兩山亭爲尹本中縣尹賦

蕭然大夫新作亭吳山越山相對青天目雲霞耀西浙
石帆風雨來東溟王霸英雄何足數句踐夫差兩杯土
喜君亂後蘇蒼生白晝彈琴如單父

送厚元載遊會稽

江上楊花落孤帆度遠汀潮連滄海白山擁會稽青內

史籠鵝帖。仙人放鶴亭。登臨有新製。毋惜寄林扃。

元澣 二首

元澣字天鏡 一云字天覺 號樸隱。會稽人。自稱會稽山

樵。洪武中召至南京。乞歸。主靈隱寺。羅禍謫戍

陝西有樸園集

重九 二首

舊日重陽節。唯尋麩米春。忽經時到眼。但覺老隨人。白髮雖多難黃花。不厭貧登高。本無意蹤跡。媿紅塵

故舊俱淪喪。人情轉寂寥。馳驅逢九日。牢落是今朝。把菊難為醉。囊萸興自消。江鄉獨無賴。風雨暗蕭蕭。

清澣 一首

明詩綜卷九十一

八

清澣字蘭江。天台人居天界寺。晚主松江東禪

寺。有望雲集

西湖曉行

海角曠曠日欲生。山南山北淡煙橫。春風吹斷沙禽夢。人在綠楊堤上行。

溥洽 一首

溥洽字南洲。山陰人。上天竺僧。洪武中為僧錄

司。右講。經歷左善世。尋以讓道。行居右。遭讒左

遷。右覺義。久之復右善世。有雨軒集 饑受之云鄭氏

開溥洽為建文君。薙髮長陵。聞其事。囚之。永樂十六年。樂禁增疾革車。駕臨視問。所欲言。榮國於榻上叩首曰。溥洽繫獄久矣。上即日釋之。出獄。走大興隆寺。拜榮國床下。白髮長數寸。獲額矣。楊文貞瑜銘云。三四十年間。鉅細老衲。有文聲者。師與行公為首。行公既進位。宮師。晚年於

師尤厚將化之前一日太宗皇帝親臨視之問所欲言獨舉師為對不及其他文貞於洽公繫獄削髮之疑皆沒而不書但云遭讒左遷又云行公將化獨舉師為對則又繫禁其事使讀者習而問之此所謂不沒其實史臣記事之體也正統三年廬陵周文襄公忱謨鳳嶺講寺記云公當永樂間嘗為同列所問太宗皇帝欲試其飛行幽之於禁衛者十有餘載其記洽公下獄與文貞搶銘互相證明其事益有徵矣壬午遜國之事國史實錄削而不書無可考據觀洽公十載下獄考其所以被讒之故則金川夜遁之跡於是乎益彰明較著無可疑矣文貞文襄身事長陵服官史館其所記載非裨官野史可比鄭氏記遜國事多流聞失真此其最為可信者詳稽洽公之行履用以參補太孫之本紀不當以為浮屠一人之始終略而置之也 潘次耕云遜國之事因洽公之繫獄而疑其開刺猶曰君子可欺以其方也因從亡致身諸錄而行程歲月一一以虛者實

之難罔以非其道矣
詩話遜國之事國史大略野史過詳終成疑案程濟梁田玉等未必有其人史仲彬官翰林未必有其事與其惑於從亡致身諸錄無寧信鄭端簡今言所述矣

題山深草堂次王適齋韻

聞說平夷堡高居絕徼山牽蘿秋補屋伐竹曉開關欵

明詩綜卷九十一

九

寒烽煙靜歸田士卒閒都門回首處頻喜寄書還

普莊一首

普莊字敬中仙居人洪武中被召入天界寺歸

住徑山示寂於撫州

詩話莊公自號采菴作歌云采菴采道人不知世間秋與春無榮無辱無疎親讚亦不喜罵不嗔雖以自訟其於詡也多矣

追和歸源老祖山謠

長林悉凋落刮地霜風吹道人不出山終年無所知
心既空寂萬法將焉依海門明月上冷照枯松枝

至道一首

至道字物外臨海人住無錫之嵩山寺洪武中被召尋乞還有夢室集

流翠亭

道人性沉靜置屋層巒間四檐山溜瀉萬壑松濤翻清
秋爽氣集落日衆鳥還過客坐來久寂寥誰叩關

如蘭 三韻

如蘭字古春富陽人住持天竺寺永樂初召校

鐫經律論三藏有支離集

詩話古春與夢觀同游東維子之門東維子有送二上人歸三竺序其略云余在富春得山中兩生曰蘭曰仁授之以春秋兵興潛於釋然皆用世之才夢觀爲孝愛尊禮古春晚出嘗識于忠肅於彌月時亦別古崖之流也

琴清爲胡若思教諭作

微颺灑練衣空庭夜寥泬涼葉生露華澄江上新月冲襟澹無營孤桐絃白雪天秋萬籟鳴霜清百泉涸冥鴻

明詩綜卷九十一

十

度湘雲威鳳出丹穴至音聽者稀幽思自超越悵然一長吟烏啼漏聲徹

殊別峰習靜卷

疾雷破山嶽大風揚波濤百川相蕩瀉萬竅爭怒號道人聞自性六窗鎖猿猱喧寂兩忘念月出中林高

曉發

東風卷雨曉雲收兩岸雞聲送客舟柔櫓不驚沙上雁殘燈猶照驛邊樓天連野水浮空闊斗轉銀河拂地流遙望吳城何處是青山數點落長洲

懷讓一首

懷讓字不虛天童寺僧

尋竹隱寺

聞鐘識寺遙，小徑緣雲入。日暮下山歸，秋衣不知濕。

善學一首

善學號古庭，吳人出家大覺寺。元末主崑山薦

福明，初居光福，以寺僧輸賦違期，徙贛州。行至

馬當山，示疾而卒，有詩集。

毛子晉云：古庭長於五言，如雲起猿聲斷，松高鶴夢危。人疑天

上坐鷗，訝鏡中飛，垣倒夜奔，鹿艸深秋，聚殿空。容鳥入樹，老引藤纜，令元遺山見之，應解頤也。

宿晚村

眺望前村近，桑麻路欲迷。過田衣拂水，緣徑屨沾泥。遠
嶠寒煙合，空林夕照低。村翁留我宿，也解說禪栖。

自恢二首

明詩錄卷九十一

十一

自恢字復初，一作元南昌人。洪武初住廬山。

偶成

金沙溪上柳條齊，白鳥羣飛落照低。十里荷花紅勝錦，

好山多在画橋西。

題唐子華画山水

江雲如雪樹高低，竹裏人家傍水西。滿地松陰春雨過，
好山青侶若耶溪。

無愠一首

無愠字恕中，號空室，臨海人。出家徑山，主明州

之靈巖，再主台州之瑞巖。忽謝事入松巖，日本

來聘，被召至闕下，以老病辭，留天界寺。尋還鄞。

之翠山

松巖襟言

山中十日九日雨樹頭青子落不住白犬尋蹤入艸間
驚起竹雞飛上樹

智圓一首

智圓字鑑中錢塘人住寶幢寺

送僧還四明

遠移瓶錫秣陵城又逐秋風過四明白石清泉尋舊約
碧雲紅樹動離情路從朱雀橋邊去舟自丹陽郭裏行
惆悵客中頻送客更堪疎柳暮蟬聲

大本一首

明詩綜卷九十一

十一

大本字宅衡會稽僧徑山書記

送徐行正人材之京

鴻鴈來時澤國秋西風潮落大江頭蒹葭楊柳東西岸
楓葉蘆花遠近洲鐘阜煙霞千嶂出蓬萊宮闕五雲浮
丈夫勲業青冥上莫為鄉思易動愁

大圭一首

大圭字恒白晉江人泉州開元寺僧有夢觀集

詩話恒白語法侶云不讀東魯書不知西來意此逃墨歸儒之言也嘗
題山居云山色宜茅屋松風滿鉢盂湖中泛月云偶臨湖坐得嘉樹欲

傍花行無小

船均饒風致

夏日同許氏兄弟遊龜山

山有大石下有歐陽詹讀書遺址

閒情素乖俗樂彼中林居林居未云果幽賞意有餘出

郭多青山佳木亦扶疎並游得良友方駕從所如翠微
薄炎景蘿風汎涼裾雲逕步窈窕石門入清虛少留席
豐艸綠縛綿以舒叢柯翳鳴鳥石澗清游魚形神一蕭
散疲勩亦已祛路緣龜巖東遂即歐陽廬懷賢仰高躅
撫蹟驚廢墟願留石中室畢誦人間書茲焉恐遲暮眷
眷空躊躇

淨圭

一首

淨圭住磧里

游仙詩

縹緲仙山五色雲玉真飛佩度氛氲不應名字題仙籍
猶著唐家舊賜裾

德珉

二首

明詩錄卷九十一

三

德珉字伯貞號石窗洪熙間虎丘寺僧後居徑

山

秋懷

江潭葉落鴈初飛又見涼風到客衣日下浮雲迷北望
天涯孤棹滯東歸驚看秋艸流年換夢憶青山故舊稀
明日一竿滄海去白鷗應笑未忘機

晚泊東湖有懷姚醉雲

水晚雲陰思渺茫若爲孤棹泊橫塘夢回明月人何遠
愁對殘燈夜更長別渚沙寒移宿鴈疎林葉響墮微霜
明朝有約新豐道載酒重過舊草堂

善啟一首

善啟字東白號曉菴長洲人主蘇州永定寺尋
主松江延慶寺授僧綱司副都綱預修永樂大
典有江行唱和詩集

詩話曉菴早負詩名錢唐瞿宗吉賦牡丹詩師與對壘用一韻賦百首
獨著南洲交器重之嘗被名譽修水樂天典書成告歸喪上竺完公啟
修北禪瑾公如珪白蓮車公指南舟中偈和有江行詩一卷王汝玉序
之按大典共二萬二千九百卷疑編纂之不易而歛修詩云昔出當羅
冬茲還及春暖蓋不過數月事兩考當日賜鈔者一
千一百六十九人則因編看者多宜成書之速矣

十四日歸舟分韻

江黑饒煙嵐咫尺景難了臨發棹還停復恐天未曉恍
然陰翳開日出雲漢表旋吳地匪遙辭闕境云香客愁
忽若遺吟緒自縈繞坐久望東南斜陽獨歸鳥

明詩綜卷九十一

三

大同

大同字妙止會稽人鄞縣延慶寺僧預修永樂

大典

詩話妙止詩格未
高然已脫蔬筍氣

懷友

谷風淒淒已厲習習吹我襟微煙襲芳樹細雨沾高林雖
有一尊酒對此誰共斟迢遙故人遠矧隔瑤華音安得
駕黃鵠往論古與今緬懷思方續白日苦西沉

江邨夕照圖

江邨水國幽雲樹半舍秋落日曬漁網涼風吹客舟香
稻黃早刈碩果熟先收官稅供輸外民歌樂未休

懷瑾一首

懷瑾字如珪蘇州北禪寺僧又住嘉定保寧寺
為僧綱司都綱預修永樂大典

江行分韻

南徐百里近邦畿。水滿春江一棹歸。回首金焦在何許。
落霞紅處白鷗飛。

淨倫二首

淨倫字大巍昆明人正統中出家天順間叅善
學於浮山晚住錫五臺示寂於京師顯通寺有

竹室集

詩語竹室不以詩名往往鏡中晚唐風韻五言如松皮山舍小石子野
溪驚雨苔迷石徑山氣冷龕燈七言如晴墨青山芳沼上冷懸紅日画

明詩綜卷九十

十四

樓西半竿落日孤城遠千里分沙一水流到岸舟橫流水曲尋溪路入
落花藤樹頭落子銜松鼠崖畔飛霜叫竹雞原上燒痕初過雨隄邊新
柳未拖泥黃芽恰好三間屋赤來看
收數畝田亦可入李和父弘秀集也

次喬武庫縉金山勝覽韻

妙高臺上昔年遊。想徧山中景物幽。出洞白雲含海曙。
映窗晴雪湛江流。好音常聽樹頭鳥。相對不飛沙際鷗。
西望金陵千古意。蔥蔥佳氣帝王州。

古佛巖

蒼松蟠古巖洞門鎖幽谷但逢掃葉僧不見銜花鹿

玄穆一首

玄穆淮陽僧

題焦山寺

獅子峰前放晚叅。直登絕頂縱幽探。帆檣遠近迷蒼靄。
樓閣高低鎖翠嵐。水色倒涵天上下。山形雄壓地東南。
焦先去後巖扉古。樹老碧桃春正酣。

詩話天順中鎮江同知府事常山張春命焦山
寺僧弘慧輯寺中題詠止存宗泐二首及此詩

寶明 三首

寶明號月舟吳人治平寺僧

楊君謙云月舟詩能遠塵
字亦清曠實而好客客至

則罄資
飲之

次沈陶菴題石田有竹莊韻

東林煙月舊松蘿。無復君來對酒歌。千葉芭蕉萬竿竹。
相思一夜雨聲多。

游山舟中作

明詩綜卷九十一

五

舟過橫塘酒再沽。行厨烹出四腮鱸。好山都在西南上。
一路推篷看畫圖。

戲題

拆了鞦韆院宇空。絲絲楊柳自春風。薔薇不為人拘束。
却過鄰家屋上紅。

恩鏤 一首

恩鏤字古田號友雲成化間蘇州嘉定護國寺

僧有集

送張逸人

棟子花開香雨晴。乍逢還別若為情。不知流水將人意。

送過南沙第幾程。

明秀字雪江自號石門子海鹽人祝髮天寧寺

晚居錢塘勝果山有雪江集釋冬谿云石門秀禪師以詩名海上游心鷲精力追

唐雅鄭少谷孫太白諸名流多所稱許

詩話王伯安謫龍場驛丞雪江送以詩云蠻煙瘦馬經山驛瘴雨寒雞夢早朝一時傳誦之斯未為整策特以清越勝耳觀其遺集三卷流轉跌宕不失清江靈一之遺音臨終偶云一夜小床前燈花兩中結我欲照浮生一笑浮生滅亦彼法中所謂解脫者

田叟贈朱可麓

早起飯牛犢落花春水渾雨中青箬笠溪上白雲村食力古莘野全生今鹿門不知城府外何處有桃源

汎舟至桐口

路轉青村合山連赤岸斜夕陽飛燕子茆屋落桐花晚

明詩綜卷九十一

十六

野聞孤笛輕舟閣淺沙前峰望不遠林暝欲棲鴉

送陳墨山還吳淞兼柬胡秋田

五茸城外月不見十年餘顧我曾遊地因君得寄書津亭然夜火江市鱸鱸魚若見秋田叟還勞問起居

日暮

西閣日將夕川原生暮煙遠林歸倦鳥枯葉抱寒蟬野岸漁罾外秋風戍壘前故人應念我定有尺書傳

楚江秋曉次石田翁韻

山川搖落露華晞野寺鳴鐘破曙暉千里人煙江郭靜數聲漁笛水禽飛寒催刀尺風霜早日遠關河信息稀叢菊又開身在客長沙誰念未成衣

懷孫太白山人

堦前黃葉堆欲滿。湖上白雲歸自來。千里秋風悲斷雁。
兩峰寒日憶登臺。未能明月同移棹。想見黃花獨舉杯。
吟遍長松千萬樹。南屏落日寺門開。

勝果山中懷朱陳二翁

西閣暮鐘雲氣陰。南山秋色故宮深。半巖落日照江雨。
萬里長風吹桂林。喜見燈花頻入夢。病憐物色獨關心。
青天兩夜負明月。黃葉思君祇自吟。

雨中柬金近山

春雨黯黯芳事微。經旬獨掩西巖扉。花枝欲動寒仍勒。
燕子初來濕不飛。歲月豈知愁換鬢。江山徒有泪沾衣。

明詩綜卷九十一

七

病夫起坐正憶汝。混世隨聲同是非。

訪夏雲山

雲山老翁住南村。抱病十日不出門。留客細傾若下酒。
遣懷閒弄剡前孫。深材四月筍成竹。古屋百年槐露根。
鄉曲別來無限意。白頭相對忘忘言。

西巖夏日

密盤春雨中。筍味殊勝肉。數日不窺園。南風吹作竹。

普泰 三首

普泰字魯山 陝西人住京師興隆寺有棲閑集

何仲默云魯山曠懷磊落善談世務不獨能讀其詩亦嘗自得
君謙訪魯山於興隆寺連日夜語不去沈石田為作雪夜談
玄圖魯山詩經君謙
選定王濟之為序

詩話魯山初見貴於楊君謙復見於
李獻吉詩名籍甚然卑卑無甚高調

秋晴

幾日豆花雨。茲晨方見晴。寒蟬依樹響。秋蘚上階生。山
脫雲尤翠。池涵日更明。西風催萬戶。都作搗衣聲。

寄楊君謙

都下聞歸鴈。江東憶故人。高山千里夢。芳艸十年春。吟
苦先催老。心安却耐貧。吳門他日過。書院許誰鄰。
足獻吉秋風南北路相別寺門前之句

身世本如寄。去留俱灑然。秋風南北路相別寺門前

永瑛二首

永瑛字含章號石林海鹽天寧寺僧有石林集

明詩錄卷九十一

大

山居志感

釋冬谿云石林禪餘景與意會朗吟自若其詩意到詞發類
多率爾而興冲暇豫自足陶寫蓋適其道而不適人之適者

嘉蔬植我園。好鳥巢我樹。樹枯鳥驚棲。園荒蔬委路。寒
氣肅山林。新芳颯然故。物理有固然。於何起欣惡。

秋浦

白露下蒹葭。秋汀尚有花。數峰迴晚色。一鴈落寒沙。菰
熟供炊具。鱸肥上釣槎。月明吹笛去。隔水是漁家。

文湛四首

文湛字秋江海鹽天寧寺僧有蘆葦亭棗

詩話秋江詩亦清徹可云筆非秋而
垂露宮韜江海羣英集行世者也

送王景仙

碧梧秋晚葉皆稀。何事行人又遠違。落日天涯千里別。
西風江上片帆歸。山城月出聞猿嘯。候館霜清見鴈飛。
此後定知難會面。相思惟有淚沾衣。

江上

江頭落日明江上。西風起歲歲芙蓉花開落。秋水

綠楊紫燕圖

紫燕雙雙掠水濱。綠楊嫋嫋不勝春。朱門華屋知多少。
認得誰家是主人。

題畫

渡口漁家對碧峰。柴門半掩落花風。釣船日暮不歸去。
只在江南細雨中。

明詩綜卷九十一

五

明詩綜卷九十一

明詩綜卷九十二

長蘆 朱彝尊 錄

釋子 下

吳下 凌雲鳳 緝評

方澤

六道

方澤字雲望號冬谿嘉善人秀水精嚴寺僧有

冬谿内外集

彭子毅云嘉靖開士以善詩鳴者三人余泉福王芝聚西洲念冬谿子與之偕和古體上仿漢魏而

律以初盛唐為準晚乃有溢稍及於錢劉孟南諸家然力以繩墨自維語涉纖險頗法之猶法吏之慎守三尺者古者不以瓦缶雜鼎彝也

靜志居詩話冬谿詩格清純不雜偽語宜為唐虞方遐道屠文升所稱

古意

孟冬風始寒鴻鴈凌晨飛疇昔嘉樹林枝葉日以稀

明詩綜卷九十二

隨氣運變誰能覺其非賢者貴特達在遠諒不違君看

松柏姿歲晚長依依

柳月樓夕眺遲蔣白灘不至

飄風鳴軒檣落葉辭高柯薄暮登層樓伊余心未和悠
悠遠天雲泛泛清川波去者曾莫留來者奄忽過千秋
旦暮事百歲寧足多但願狎所親歡至相與歌幽人期
不來奈此涼月何

送范菁山丈之雲南大理

北望雲霄迴南征道路長山逢驅象客地入卜雞鄉碧
海常飛霧青林不隕霜聖君勞禦遠非是漢文皇

送王翰林柘湖轉比部還京

滄海有才名青春賦兩京乍辭金馬署復作夾鳩行苑
柳深袍色宮鶯雜珮聲君王前席問應是為蒼生

寄平野上人

惠朗南歸後空山兩月過青春看已暮白髮近如何兩
外鶯聲遠風前柳絮多遙知清夢裏還繞舊烟蘿

仇生

仇生有父風能畫擅江東縹緲千峰勢噴吭尺素中坐
增矣苑秀不謝輞川工儻寫天台勝添余補衲翁

祖福

二首

祖福號谷泉秀水龍淵寺僧後居無錫九龍山

雨宿西閣

明詩綜卷九十一

二

浩蕩迷方客人淹江寺隈旅愁添夜雨歲事到寒梅滄
海無家問中峰有夢回燭花爾何事更傷客杯開

贈人日

鴛鴦湖頭新水生白龍祠前風日晴梅花作意開自好
柏葉向人殊有情南國十年多羽檄北山此日有柴荆
杖藜物色總春事回首江湖眼獨明

正念

一首

正念號西洲秀水龍淵寺僧

燕京春暮寄山中人

鳥鳴不鳴山靜花落未落春遲美人如雲天際芍藥空

留一枝

法聚號玉芝嘉興人始居海鹽資聖寺後隱武康天池山有玉芝內外集

吳山秋望呈張侍御

子胥廟前江日晡越王城頭雲有無故宮臺榭幾黃葉
南渡寢園今綠蕪長笛關山瞻北固清尊魚鳥傍西湖
蕭蕭落木蒼郊外幾處寒烟破屋孤

江郵

殘陽在木末遠鳥沒孤嶼漁舟歸未歸吹笛芙蓉渚
圓理 三首

圓理號雲東嘉興人出家天寧寺有雲東集

明詩綜卷九十一

三

林居雜言寄同志

芙蓉謝春華鴛鴦念匹儔崇蘭委深谷杖杜生道周萬
物各有時百川無倒流感之傷我懷端已義所仇顧瞻
遠行客誰肯結綢繆請爲林壑交得與爾同游終歲混
樵牧聊以忘世憂

慈雲嶺

仄徑攀蘿轉空山伐木聞兩崖危石抱衆壑細流分曉
竹含蒼靄春田護白雲回看萬松裏唯有鹿麋羣

招友人看芙蓉

一水澄於練孤芳錦作叢故將遲暮景開向寂寥中夕
露垂秋白江霞增晚紅薄言方採掇持贈故交同

明周一首

明周號懶雲潞安居法住寺

懶雲除夕詩為謝茂泰所稱

送人還壺關

林花未吐怯輕寒人在天涯送客還千里好山迎馬首
白雲飛處是壺關

明曠一首

明曠字公朗崇德人住西林寺

秋興

大火倏以逝涼颼動幽林飛霞騁奇姿孤相落秋陰願
言縱芳躅擊秀歷遙岑高視破宇宙曠焉開我襟靈籟
妙徵羽何必筑與琴感此事媮悅聊復送長吟之子出

明詩歸卷九十二

四

世者俯仰增遐心

戒襄三首

戒襄字子成號平野海鹽天寧寺僧有平野集

長安壩上河道中

三月臨平山下宿沙棠一舟帆數幅清晨鼓柁看山行
兩岸垂楊春水綠岸上人家挂酒旗幾樹桃花映修竹
路人問我將何之我欲尋師向天目

杜鵑

夜向吳山宿朝從越嶺飛年年春欲暮催客淚沾衣樹
冷悲殘月川長怨落暉花時無限好猶道不如歸

曉過橫塘

半幅蒲帆九里汀。石湖秋水接天青。舟人指點蘼蕪外，一帶遙山是洞庭。

果斌一首

果斌號半峰嘉靖初住持天界寺有半峰集

言云半峰詩多成於中夕沉思苦索而後得之對客揮毫非所能也正如南能腰石確米已熟但欠歸在

游而詩未得其一體

王十岳山房

小隱空山絕四鄰。野雲孤鶴自相親。誰知一徑深如許，猶有敲門看竹人。

宗倫一首

宗倫字性彝芝溪人有覺隱遺風集

明詩錄卷九十二

五

旅懷

東吳隔千里歸計尚茫然。忽見梅花發他鄉。又一年

德榮一首

德榮天台僧

題國清寺

竹院深深近翠微。短簾容易墜斜暉。香殘瓦鼎僧初定，月上松巢鶴未歸。落澗祇供煎茗水，洩雲留伴坐禪衣。客游正值春將半，風落桃花片片飛。

洪恩二首

洪恩字三懷上元人居長干寺有雪浪集

過安民卿秦淮寓館

安期東海至。暫向白門居。綠酒稱從事。紅妝用較書。舟
移淮水月。饌出晉陵魚。聞道西林勝。能無一榻虛。

中秋日問主人病

十日佳期踐。山園半畝宮。雨收殘暑盡。月出大江空。背
屏一亭竹。當門幾樹桐。我來憐病榻。數問主人翁。

德清

四首

德清宇澄印全椒人出家南京報恩寺尋入五

臺棲牢山坐効逮繫戍雷陽卒于曹溪有憨山

夢游東游等集

贈王德操

楚人疑鳳鳥。仲尼愛麒麟。豈不為世瑞。所遇非所親。耳

明詩綜卷九十二

六

目素不接。誰能辨其真。之子抱奇思。翩翩邈風塵。迷方
日已衆。微言難具陳。撫膺發長歎。衷曲誰為信。出關豈
慕遠。邈世甘沉淪。良由知者希。所以稱至人。

抵雷陽戍

二首

舊說雷陽道。今過電白西。萬山嵐氣合。一錫瘴烟迷。未
路隨蓬累。殘生信馬蹄。那堪深樹裏。處處鷓鴣啼。

萬壑奔流下。千山積翠連。帆飛五嶺驛。猿挂九秋天。客
路浮雲外。鄉心落日煎。吾生猶未定。江漢是餘年。

題画

風雨孤舟夜。微茫草樹春。茅簷驚犬吠。定是渡江人。

真可一首

真可字達觀吳江人一云句容世號紫柏大師有茹退

集

詩話吾郡楞嚴寺建自宋嘉祐八年至嘉靖間為勢家所占紫柏特興復之先從祖君升諱大猷經營規度象設宮治銅為之佛書三藏易梵夾為方冊鏤板貯之徑山流通宇內既而游大房石經山進階僧淨琬所藏佛舍利慈聖太后迎入宮中特賜歡伽黎儀而妖書獄起辭連入詔獄死集中吳氏廢園作蓋即楞嚴寺基先叔祖中萬曆壬子舉人

吳氏廢園

汾陽門第晉風流縹緲吳山感勝游今日松蘿誰是主
斷雲殘月鎖江樓

通岸一首

通岸字覺道南海人居光孝寺有栖雲菴集

曹溪雜詩

明詩綜卷九十二

七

為愛溪山好無人祇自看萬峰青不斷三月雪猶寒乳
鹿藏深樹飛鳧過遠灘興來誰與晤長嘯碧雲端

法生一首

法生字化儀崇德人少林寺僧後居徑山

寄雲東

十年滄海共離羣三月風塵信未聞芳草閉門春冉冉
落花啼鳥暮紛紛歲華江上看流水世事人間喻薄雲
鴈宕天台何處所采芝捫葛幸同君

傳慧一首

傳慧字朗初寧波人居延慶寺

夜渡揚子

空江信淼茫。月出水生光。入浦潮如雨。沾衣露欲霜。
清沙氣白。夜靜澗雲黃。漸覺鐘聲動。應知到上方。

智觀 一首

智觀字止先號蔚然江都僧雪浪弟子居吳興
雙髻峰有中峰草

山居漫言

板屋黃茅爛棲禪已十春更無孤鶴伴且免衆狙嗔天
地寧私我谿山不假人四分僧律在吾自率吾真

大壑 二首

大壑字玄津杭州淨慈寺僧有吳詠

上方寺遲同游不至

明詩綜卷九十二

八

湖光斜遶寺松影曲藏關。颿過烟中樹僧歸雨外山。井
梧秋更老。橋蘚晚逾斑。目極天涯盡。扁舟不易還。

蓀谷

曲磴餘蒼蘚。危梁度碧雲。山深溪屢合。樹密徑斜分。佛
火寒猶見。僧鐘晝不聞。空留爭席處。野老自爲羣。

通潤 一首

通潤字一雨吳人居常熟有秋水菴集

將歸簡三如學公

曉起春寒甚。思君巖上廬。當門雪幾許。倚杖興何如。不
日理歸櫂。無人傳別書。臨行重相憶。先此寄雙魚。

斯學 五首

斯學字悅支號庚山海鹽慈會寺僧有幻華集

詩話庚山詩格清圓句如薄衾寒入夢細雨遠沉鐘白雲非舊主黃葉
自前朝客來黃葉雨鬼嘯白楊風太原山繞中條近小有天通上界寬
均有幽致禪藻集載某居士稱之曰清冰勵操粟玉明襟
韻似道林不屑養馬才優無可不愛除官可云賞譽之至

雜詩二首

落日迫西崦吐月銜東島逝景故悠悠人世漫浩浩所
思耿中情憂愁怒如擣宴會苦不常容顏徒自老子有
鼓與鐘勿伐亦勿考一委溝壑中身名何腐草

披雲卧丘壑凌風稅籠樊芳節忽已邁朱明照前軒嘉
樹滋以綠幽草萋以繁丹雘耀庭戶黃鳥啼林園俯聽
石潭響仰視高崖嗽佳期託縣圃遐想踰崑崙臨川有
長歎冀與智者言

秋夜與羅吉甫同賦

明詩綜卷九十一

九

夕露鳴螿姑秋風動楊柳嘉候苦不常芳華詎能久真
境總會心萬理弗挂口寫此石上琴醉以山中酒

寄吳少君山人

知君好芳草荷芰半衣裳一別春山綠幾經秋葉黃海
門生片月江寺送殘陽曾有天台夢相攜度石梁

邊城晚眺

獨上層樓望欲迷滿城砧杵更悲悽河流曲抱內黃北
山勢遙連太白西落葉亂隨秋雨下斷鴻斜引夕陽低
自來幽朔寒偏早繞樹啼烏未肯栖

智船十三首

智舫字華如號秋潭秀水金明寺僧有黃葉菴

詩集

吳少君云舫公出語烟霞冰雪殆盡激之流貫休齊已不數也李君實云華如道歷叢林而不領眾不立侍者書記詩名滿

天下而無羣集日煨品字柴支折脚鑄明暗黃葉堆中意古寒山拾得再來後身

陳仲辭云秋潭老人初居范蠡湖詩法清麗屏除一切流俗晚投黃葉菴人愈枯品愈澹讀其詩槁木寒

灰之意隱隱見于筆端清真蒼老益臻妙境
詩話上人拊錫舊地在金明寺湖天海月樓東有老梅橫牕日吟咏其
下後移郊西之黃葉菴邨深水曲物外蕭然而以善行草書造請滿戶
限上人亦不憚煩有求者必應也詩不存彙好
事者就長箋橫幅傳抄輒為上下卷刊行之

題陳仲醇小崑山讀書臺

昨日入山來今日出山去去來本無期眷此來時路白

駒花下泉殘月松上露茲廬可息心丘壑有餘趣

鷓鴣居

不須太倉粟滿腹飽即休何必上林樹一枝倦且投却

明詩綜卷九十二

十

笑叢薄間爭棲暮啾啾安知鵲有巢終焉居者鳩

寒山訪雪谷

寒山太湖東二月雪埋塢時有天耳師巢居類巢父春

秋未半百氣骨自萬古清泉凍連底蹲石怒如虎此中

除梅花無物入巖戶

題破牕風雨圖

千山雲頭黑萬山雨脚白大風卷却屋上茅牀頭書卷

盡打濕幽人縮項破牕裏壁上蘚花長一尺若得溪流

直到牀釣竿插向枕頭石

人日感舊

去年人日游何處穆家池館寒梅樹今年人日勞夢思

穆家池館非舊時。兀兀頽簷遙倚遍。主人何日還相見。
邨南邨北柳樹邊。烟條弄影青苔面。竹圃衡門池水寒。
嗟君夙昔此盤桓。而今細雨生春草。縱有梅花若箇看。
秋日元微邀集水亭同凡上人分得憐字

葉落欲埋徑。萍開爲進船。想懸孤錫處。猶是小亭邊。池
水幽相映。芙蓉絕可憐。晤言須竟日。重至恐經年。

秋日寄懷吳少君

不堪鴻鴈度寒雲。猶是高林帶夕曛。古路荒臺無過客。
秋風落葉獨思君。閒房草色經旬別。遠寺鐘聲入夜聞。
可道空山招隱處。却憐野鶴在雞羣。

送方同叔游天台

明詩綜卷九十二

十一

浦樹離離接遠天。片帆遙向赤城懸。春風幾日滄江上。
驛路千峰落月前。水冷石梁窺洞壑。花深巖殿宿雲烟。
從君此去看霞色。猶是興公作賦年。

秋日山中

落木空殿深夕陽。下山徑澗戶松風寒。獨夜鳴孤磬。

野航

泛艇秋湖漁者稀。船頭船尾雪鷗飛。偶然放到茅菴畔。
載得白頭僧共歸。

題周服御畫

兩岸芙蓉色競紅。蒹葭容易起秋風。翠禽箇箇求魚食。
分占枯荷瞰水中。

題寥雲閣

小閣主人豪興偏。日高不起夜不眠。晚來倚醉理絃索。門前刚到賣花船。

題徐春門画

山頭雲濕皆含雨。溪口泉香盡帶花。此是天池穀雨候。松陰十里賣茶家。

以貞一首

以貞字純白海鹽人居資聖寺

七夕

空庭疎雨歇。秋思夜來多。一葉初離樹。雙星已渡河。月明花裛露。風動水曾波。乞巧人間事。吾生奈拙何。

明詩綜卷九十二

十三

法衡一首

法衡字秋巖海鹽人居天寧寺有竹西齋橐

聞鴈

嘹唳天邊鴈。哀聲靜夜聞。雨中孤夢斷。空外數行分。北向歸沙漠。南來渡楚雲。人間有繒繳。高舉莫離羣。

法杲二首

法杲字雪山。吳人居華藏寺。有雪山集。

詩話雪山參學於雪浪與巢松。一雨齊稱詩如鳥來迎。戶入花發隔溪看芳樹。橋邊盡春山。雨後新野黃潮撼樹。江黑雨藏山。均餅清韻有集。八卷。一雨所輯。王伯穀稱。賞之謂為近代詩僧領袖。

梁溪道中逢姚孟

千載俱漂泊。驚逢落照前。浮雲本無意。芳草似相憐。春

水連平野人家入。遠天還乘明月色。隨意放吳船。

山居

深山別是一乾坤。春谷烟濃樹樹昏。正好看花立溪口。
雨來催我進松門。

欽義一首

欽義字湛懷金壇人南京報恩寺僧

詩話周吉甫編長干三僧詩滿懷與焉其二則雷浪懸山也一

雨夜泊涇縣

水宿同鷗鷺。平沙晚帶船。山城寒漱浦。溪雨暗蒸烟。漁
火深秋樹。河流淺暮天。西風鄉思切。千里獨依然。

寬悅一首

寬悅字臞鶴南京人。居普德寺。有堯山藏草。

明詩綜卷九十二

十三

送歐楨伯工部

玩世藉微祿。懷歸驗夙心。一尊霜露冷。三徑草堂深。月
是初弦夜。秋當欲暮陰。蛩聲寒咽雨。流入短長吟。

如愚一首

如愚字蘊璞江夏人。少爲諸生。負俗爲僧。居衡
山尋居金陵碧峰寺。有飲河囊石頭菴集。

春日龍潭菴對雨

苔蘚空門外。烟蘿夾徑陰。春流一澗急。寒雨數峰深。鳥
倦還山翼。雲遲過客心。望中燈火起。人語出遙岑。

弘灝一首

弘灝字空波鄞人傳慧弟子屠田叔云空波詩爾雅而調適

詩話上人朗初學詩于揚伯異侍凡杖於五井山伯異遺草符傳皆其方也朗初以詩法轉授空波及西來休遠時人以比支遁支亮支纖謂之一朗

秋江晚歸

流覽山川幽意多。渾忘落日挂藤蘿。潮催客子還家櫂。風送漁舟入浦歌。深樹煙披連翠幕。遠峰雲在失青螺。臨行笑指芙蓉發。明日還期倚杖過。

佛引一首

佛引字西來鄞人屠田叔云西來詩溫簡而開暢

晚晴寄空波空明休遠

前邨收薄靄。舍外雨新晴。竹鼠爭枝墜。檐鳥得食鳴。峰

明詩綜卷九十一

十一

開餘日。氣水咽過灘。聲芋熟沙田。早連朝憶友生。

圓復二首

圓復字休遠鄞人

李杲堂云三支詩以休遠為第一此外又有萬壽著臍福亮覺真道東起白宏演敬中皆

延慶寺僧俱一時之秀

山中

榭葉縫衣翠。松花作餌香。全生無長物。辛歲有餘糧。觀瀑衣忘溼。緣流路轉長。偶然逢怪石。跌坐一林霜。

留別念空

問水尋山各自忙。草鞋無底踏秋霜。江南游遍還江北。何日能來共竹房。

廣印一首

廣印字聞谷嘉善人居杭州開元寺

登毛公壇

黃屋辭仙闕，玄關向北開。驅雞何處去，跨鶴幾時來。殘雪明丹井，清霜肅古臺。寒烟縹緲外，一望一徘徊。

廣潤 二首

廣潤字等慈吳興人居雲栖寺終老虞山之拂

水菴

晚泊南岸有懷吳允兆茅孝若客燕中

孤櫂倚江濱，魚梁浦樹分。北書曾未達，南鴈最先聞。碧海生寒月，空山冷暮雲。不堪三徑遠，何以慰離羣。

蕪湖道中

明詩綜卷九十一

十四

江明分采石，柳暗夾橫塘。驟雨菱花亂，輕風禾黍香。秋聲催鴈鷺，暝色下牛羊。遠道人烟少，偏令游子傷。

如清 一首

如清字石浪城固人祝髮紫柏山尋居匡廬金輪峰下有枯木吟

荅客問小徒到家消息

瓢笠星霜三月周，計程應到錦江頭。縱教雨雪羈行李，不在嘉州在簡州。

圓意 一首

圓意字心柏秀水天寧寺僧有青蓮居集

懷黃山吳仲玉

千里黃山別幾年。冥鴻不見一書傳。昨宵忽共殘燈夢。
三十六峰青刺天。

行志一首

行志字

擇號復元湖州人有且止菴詩集

馮開

之云志公詩清真孤迥如倪元鎮畫

遠水疎林孤雲片石絕無酸餽氣

詩話志公少出紫柏之門而不相下居於南澤與馮開之朱文寧董暹

周允仲設葦結方外社遐周稱其口不談貴介筆不流凡近文寧至謂

字字作金光明色

舉之未免過實

吳江道中與陸叔度竝載晚至鷺脰湖別

斜日松陵道。扁舟共汝還。不期初握手。旋復動離顏。水
積猶餘岸。雲多莫辨山。宵來分寢處。宛在激沙間。

如觀一首

明詩餘卷之二

十五

如觀字蘊虛海鹽人居雲岫寺有夢華幻住禪

餘等集

春日胡孝轅過崇福菴

肩輿人病足村路。逸何長獨步入深院。老梅生暗香霞
飛山欲暝。風急蝶猶狂。相送虎谿外。悠然忘夕陽。

如曉二首

如曉字萍踪蕭山人。栖隱天台石梁。下晚居湖

上往來。嘉禾有萍踪道人巖艇草

天啓甲子朱廣原居士為余構巖艇于湖上。九月

落成以詩招之

心期慧遠山中社。興發張融岸上船。最好鯉魚風信後。

東籬無雨菊花妍

春暮

雨過郊原遍落紅。柳絲無力繫東風。春陰何處栖雙燕。
寂寞梨花小院中。

本成一首

本成字在久蘇州慧慶寺僧有嬾雲詩藁

早行

木葉墮寒溪軒牕月已西。客心驚吠犬茅店乍鳴雞。漸
覺人烟動相看馬力齊。霜華前路滑不住亂鳴啼。

實詒五首

實詒字可南吳洞庭山人

明詩綜卷九十二

十六

傷朱雲從

別君三日前書來期我顧別君三日後書來是君計。殷
殷易箆語一一見心素。世事無了期頽陽易遲暮。啼烏
竟夜啼啞啞感行路梅花手自栽門前落無數。

蝦蟆嶺

君不見蝦蟆嶺崔嵬橫截日無影。特立太湖烟水中飛
鳥何曾至絕頂崩崖挂倒樹日久生莓苔飛瀑灑石壁
磴道鳴殷雷百步幾蟠曲去矣如復回蝦蟆嶺何年開
日見行人天上來。

送燕

晚稻花香處西風送爾歸。路長誰是主。社遠漸無依。故

壘殘烟斷。虛檐落葉稀。春來芳草遍。莫忘舊柴扉。

懷葛震父

虎峰言別後。嬾與慢相兼。已過探梅約。翻因病酒淹。孤烟生石突。飢雀下茅檐。昨夜林中雪。看山一卷簾。

曉行

東林初日上。羣壑開霽色。樵夫先入山。霜草見行迹。

明一首

明字若昧。廬山開先寺僧。有空響集。

堯山余氏溪上納涼

夏館苦煩熱。策杖出東扉。於焉臨曲澗。趺坐憺忘歸。嘉木散清陰。芳華揚素輝。先秋蟋蟀吟。薄暮鷓鴣飛。情忘

明詩綜卷九十二

十七

境自適。心寂理無違。願言與同好。丘壑長相依。

明賢一首

明賢字履中。常州人。住鶴林寺。有上方集。

送僧歸梁溪

峰烟漠漠水雲低。欲挂輕颿日已西。江月照人人不住。隨風一夜到梁溪。

圓信一首

圓信字雪庭。更字雪嶠。寧波人。初住武康雙髻。

峰後居徑山有語風稟

詩話雪公造詣淵微。與天童悟禪師同爲高門法嗣。天童以巾拂付弟子一十二人。再傳登獅座者。多至六百七十八人。居士不與焉。雪公終身不付一弟子。手攜藤杖甚奇古。或見之。以爲難得。雪公笑曰。小大魔王。動以拄杖拂子。付人十年之後。此物不中打狗。謂悟公暨通谷也。將

示寂生高齋悅見擔糞者過其下呼至授以拂子曰拏去趕蒼蠅可謂
獨立不懼者已其居徑山書序柱云孤雲游此中萬山拜其下臨終偈
云三間茅屋倚溪住兩扇竹牕關月眠
均瀟灑有致早秋對雨之作尤覺出塵

早秋過朱子葵太守鶴洲草堂對雨分韻得飛字
方花礎潤晚涼歸。隔浦蓮舟望漸稀。林下自聞秋葉雨。
燈前亦有草蟲飛。巡檐半濕黃藤杖。倚檻重添白芋衣。
明發雲溪新水下。前邨應沒舊魚磯。

法藏 二首

法藏字於密無錫人居嘗熟烏目峰有山居集

山居 二首

覓得三峰好卜棲。月涼松影到階齊。山空萬籟由來寂。
卧聽隔林啼竹雞。

明詩綜卷九十一

十一

花落軍持入澗香。寥寥淨域絕思量。不知下界黃昏近。
猶向西牕戀夕陽。

海明 一首

海明號破山四川人主嘉興東塔寺後入蜀有

破山語錄

詩話張獻忠殺人之多較黃巢百倍自甲申正月犯蜀陷重慶悉斷民
右手既破成都僭號大西改元大順授其義兒孫可望為撫平東將軍
監十九營李定國為偽安西將軍監十六營劉文秀為偽撫南將軍監
十五營艾能奇為偽定北將軍監二十營次年五月可望報一路殺男
子五千九百八十八萬女子九千五百萬定國報一路殺男子七千九
百餘萬女子八千八百餘萬文秀報一路殺男子九千九百六十餘萬
女子八千八百餘萬能奇報一路殺男子七千六百餘萬女子九千四
百餘萬此外各營分勦川南川北所殺之數及獻忠偽御營殺人數目
自有簿記之不與焉於是四川之民靡有孑遺迨屯管于西京鳳皇山
至自殺其卒日一二萬人初殺蜀平蛋盡則楚楚盡刀殺共起之秦人
後今量之以度過不及者皆死駐西兌時嘗行兵一百三十萬逾兩月
剽削宰割者過半矣相傳破山和上嘗勸賊帥李止殺賊帥以羊豕進

曰和上食此吾當封刃破山遂食之此破山之徒杖雪通醉黃之語錄者緩寇紀略謂勸獻忠誤也子友高念祖對子述之

別石車禪師

欲別難為別
西林落月銜
且飛千里雪
聊挂一風帆
草引石梁屐
花飛金粟巖
浮雲本無著
何處尺書緘

通發一首

通發字師遠
內江人有山居草

再過永慶寺

山涌孤城外
舟行一水前
落花柔櫓撥
斜日斷橋連
丈室依林住
雙扉倚竹偏
再來情不厭
知是主人賢

太瓊三首

大瓊字石公
雲棲寺僧有石公詩選

明詩綜卷九十二

十九

初出江口

孤嶼天際浮
連檣霧中出
秋容肅驚感
潮勢盪落日
凭欄舒遠眸
推牕散餘帙
未能冥至理
且冀綜道術
吾生定有涯
誰能困蓬華

別馥菴

偶裂塵網出
因為洋漫游
愛茲山水縣
與子成淹留
朝看白雲起
暮聽江水流
有時還策杖
臨壑復登丘
茅屋多真意
動息無所求
心期既歷落
顧此忘百憂
好風西南來
羽翰生素秋
臨岐一揮手
意氣凌滄洲
君還坐巖壑
幸無生怨尤

詠史

興慶宮西花萼樓五王簫鼓畫同游曲江宰相千秋鑑
纔得開元二十秋

性琮一首

性琮字白法嘉興楞嚴寺僧有刺草

夜坐

新涼微月上雜坐小庭前莫更燒明燭飛蛾絕可憐

讀徹七首

讀徹字蒼雪呈貢父居蘇州楞伽之中峰有南

來堂臺

將游黃山留別友人

孤舟明日發再宿皎公房莫惜通宵坐懸知此別長草

明詩綜卷十一

十一

花黏露重山色入春黃遙指丹臺月心期一片霜

再至崇川

地盡應臨海天寒欲授衣月隨秋水上人共夜潮歸一
犬無聊吠羣鷗自息機橋頭燈火裏猶記舊僧扉

自吳門之雲間

春雨夜淹淹春波幾尺添背花搖短櫓礙柳揭高簾三
兩家邨落一行書酒帘華亭看不遠的的九螺尖

封門化城菴留別社中諸友

相送了無意臨岐忽黯然回看吳苑樹獨上秣陵船春
老還山路江昏欲暮天白鷗休避我拍拍碧波圓

送朗壘入匡山

獨向匡廬去。安禪第幾重。九江黃葉寺。五老白雲峰。落日啼蒼兕。飛泉挂玉龍。憑將歲寒意。先報虎溪松。

入林

入林不知深。但覺衣裳冷。新綠滿空山。低頭不見影。

雜詩

天氣秋晚晴。坐看西山色。前溪有故人。草深行不得。

契靈 二首

契靈字仲光。號佛石蕭山人。居杭州理安寺有

山居詩

山居 二首

屈曲山路長。曾不見車馬。鳥啼落日黃。處處逢樵者。

明詩綜卷九十二

三

懸崖老樹枯。樵斧不敢割。亂挂猢猻藤。不知幾千尺。

明澗 一首

明澗字道間。成都人。

落葉

臨高觀遠浦。愛此水氣清。一葉欲辭樹。百葉相隨鳴。不能同枯枝。遂此幽禽情。

明河 一首

明河字汰如。南直隸通州人。

絕句

二月山容醒。林端別有香。心知春尚早。蜂蝶一齊忙。

函可 七首

函可字祖心博羅人尚書韓文恪日鑽子少爲
諸生忽棄家入羅浮江南旣下坐事戍瀋陽有
剩人詩

采菌

三五趁曉晴隨雲入澗壑志與枯槁遇榮茂非我樂顧
視深草間異種紛相錯恐是蛇虺居根性乃獨惡擯棄
稍不嚴美口成毒藥氣化豈有殊君子慎所託

偶感

遷客易爲感况兼秋有聲天風吹木葉一夜滿邊城是
處堪腸斷無時免淚傾莫言感申旦未必盡鄉情

皇天

明詩綜卷九十二

十一

皇天何苦我猶存碎檣架染拭淚痕白鶴歸來還有觀
梅花斫盡不成邨人間早識空中雷塞上難招嶺外魂
歎息舊游誰復在獨留雙眼哭高旻

弼臣病阻白門寄書竝詩次荅

驚傳一紙到遼陽舊國樓臺種白楊我友盡亡惟汝在
而師更苦復予傷孤舟卧老長干月破衲披殘大漠霜
共是異鄉生死隔西風吹淚不成行

同謙受枕上

枕邊不計程驛路如可記一樣夢還鄉多子五千里

送大來先生葬

覆土勿使厚種樹勿使密萬古與千秋長令見天日

春前一日

臘盡依然處海濱。寒風破袖易相親。山中新曆從人說。未必明朝便是春。

成回一首

成回字霜華不知何許久示寂於越之顯聖寺。或曰崇禎癸未進士嘉善錢默不識也。

雜感

本買深山與世違。探書禹穴憺忘歸。鐘沉古寺寒燈滅。雨過中林曉月微。花裏子規愁客路。船頭綠水濺征衣。六千君子風流盡。空見春城柳絮飛。

弘句一首

明詩歸卷九十一

十一

弘句字致言歛人雪嶠弟子

東溪過朱子菴

門外秋瓜蔓垂垂。過板橋東溪一夜水。竈下有魚跳。

通蘊一首

通蘊字靈章。浮山僧有巢集

寄周青士

作去聲。詩賣米周青士白業。還能精進無忽憶。歲朝風雪裏。扁舟訪我到西湖。

道源一首

道源號石林。太倉州人居。吳北禪寺有寄巢詩。

集

也。春餘之孤花。睡夢之清啓也。寄巢之詩。諒簡也。辭魚。

詩話石林好讀書嘗類纂子史百家為小碎集又以餘力注李義山詩三卷其言曰詩人論少陵忠君愛國一飯不忘而目義山為浪子以其綺靡華艷極玉臺金樓之體而已第少陵之志直其詞危義山當原北水火中外猶結不得不紆曲其指諛諛其辭此風人小雅之遺惟原其志義可以鼓吹少陵惜其書未刊行會吳江末長孺篋義山詩多取其說開駁其非於是虞山詩家謂長孺陰掠其美且痛抑之長孺固長者未必有心效齊丘子也

早梅

萬樹寒無色。南枝獨有花。香聞流水處。影落野人家。雪後留雲淡。籬邊待月斜。牀頭看舊曆。知欲換年華。

寄黃新都子羽

入蜀七千里。一官行路難。鳴琴知訟寡。薄賦喜民安。閣道雲中見。峨眉雪外看。遠書貽藥物。不減握中蘭。

題徐巢友玄洲

明詩綜卷九十二

五

聞之。上古人都不記寒暑。來者問以年。笑指花開處。

湖邨晚興和陳確菴韻

芙蓉水面落殘紅。尚有餘香逐岸風。一片秋先描不得。翠禽時掠夕陽中。

智觀二首

智觀字止先一字蔚然江都人有中峰草

山居二首

於世了無味。戀茲湖上山。萋萋芳草合。寂寂小庭閒。竹筧分泉遠。松林待鶴還。閉門何不可。誰耐日躋攀。新開百弓地。已得曬袈裟。朝暮徂公芋。冬春鹿女花。薄寒風落木。過雨海蒸霞。堅卧從頭白。何勞問歲華。

廣化一首

廣化字無期嘉興人住持海鹽天寧寺有唾餘

集

晚次毘陵驛

城邊暮雨掩殘甍野店黃昏颺客燈風俗他鄉曾不辨
隔谿人指是毘陵

明懷一首

明懷字墨浪山陰雲門寺僧有寢言

雲門和王陽明先生壁間韻

偶入空巖遠扶筇趁鹿游為憐千嶂寂擬結一茅休
玉飛泉潤生雲抱石幽行吟溪上月清影逗林丘

明詩綜卷九十三

三五

明孟一首

明孟字三宜雲門顯聖寺僧

北塘散步

北塘行數里漸遠入雲根酒旆綠楊渡漁罾黃鳥邛泉
流長繞樹山色盡當門荒豕歸牛馬沙隄日又昏

病中送魏冰叔還寧都

石罅秋棠一節紅主人新病客堂空送君歸度翠微巒
早有梅花小雪中

智閻一首

智閻字六雪江西瀛山寺僧有炊香堂文集

石澗

雪瀑交飛谷口喧石橋虎過漸黃昏瘦筇問我誰爲伴
笑指攀厓下樹猿

無文五首

無文字貞白崑山鶴林僧有鶴林草呼德下云貞白死時年三十三

遺詩僅六十餘首語新體潔雅近中唐摘其佳句即皎然齊已何多遜焉

擬古

時俗好蔽美佩艾捐芳蘭天地一以閉賢者詎苟完白
壁獻楚人投棄身爲殘伯牙失鍾子山水不復彈寥寥
千載間所歎知音難

聞雞

一聲天漸曉野外獨相親乍落城頭月旋飛馬足塵出

明詩綜卷九十三

王

關仍有客起舞更無人舞跣分何易聞聲太息頻

燕之潤州簡崑山諸子

囊攜贈什滿朋箋豈用臨岐更黯然瓦盞未謀前路食
草屨先乞故人錢江山半壁全輸我風雪何心亦上船
他日若吟懷友句定驚深壑老龍眠

送懶雲師歸滇

一身初越死生關萬里惟憑白足還怕說兩昏江上寺
愁逢花發夢中山心摧故國浮雲外淚濕春風岐路間
瓢笠天涯誰念遠無窮哀怨不能刪

過胡白叔舊居

衡宇依然沒草萊已無吟叟杖蒼苔夕陽一片疎籬下

幾點寒花獨自開。

照影 三首

照影字指月吳江江楓菴僧有鏡齋詩草

安慶

南北稱方鎮。江淮接鼓鞀。濤奔皖口急。山壓土城低。遠戍生煙少。飛帆入暮齊。欲尋公瑾墓。日落大龍西。

聞角

哀角聲何切。寥寥此夜長。可憐南浦月。更下北庭霜。漸起棲鴉翼。應迴斷鴈行。愁人難及曉。一望海雲荒。

蘭舟渡

蘭舟古渡已茫然。雲外山橫百瀆煙。留得龍堂鐘磬響。

明詩綜卷九十三

三

寺門長泊洞庭船。

道盛 一首

道盛字覺浪閩人住金陵天界寺

詩話袁公早登硯座聲動楚越之文白蓮之社不少宗雷青豆之房恒多龍象詩如清明微雨後花鳥亂飛時苦竹長遮徑高松自護關足稱天籟清機也

浴龍池

枕流漱石亦何心。荇帶蘋花何處尋。夜靜月明風在樹。坐聞泓下有龍吟。

明詩綜卷第九十二

明詩綜卷九十三

女冠 尼

小長蘆 朱彝尊 錄

於越 王 錫 緝評

靜志居詩話女冠盛于唐楊太真以開元二十三年既冊為壽王妃尋
 度為女道士敕曰壽王瑁妃楊氏素以端懿作嬪藩國雖居榮貴每事
 精修屬太后忌辰永懷追福以茲求度雅志難違用敦弘道之風特遂
 由衷之請唐會要公主度為女道士者一十四人金仙玉真萬安楚國
 華陽漢陽潯陽平恩郾陽永嘉永安義寧義昌安康下而宮人入道朝
 士輒為賦詩花間尊前詞客無不倚聲填女冠于小令蓋風尚則爾然
 自李石魚玄機外女冠之能詩者寡由宋以降益復寥寥元有宮人王
 金蓮暉為道士提點昭應宮卒贈湘靜元素真人素稱為之草制此僅
 事也至於象教東流比丘比丘尼當一時俱集矣而尼至晉建興中始
 有之莊嚴寺僧寶唱撰比丘尼傳以洛陽竹林寺尼淨檢稱首焉宋有
 妙總為蘇魏公頌孫又溫州淨居妙道禪師係黃公裳女竝有法語見
 傳燈錄明正統中有呂姑諫阻裕陵北征復辟後為建順天保明寺都
 人目為皇姑寺者是已顯終明之世禪學頗盛而尼之著作無
 聞迨天啓崇禎之季始有付巾拂立禪林者因合女冠為一卷

羅素月 一首

明詩綜卷九十三

素月惠州羅浮山女道士

梅花邨

麻姑仙窟鮑姑山鳳子翻飛遠嶠還玉女峰頭人冷笑

杜蘭香去嫁人間

吳靜婉 一首

靜婉金壇人蘇州木瀆女道士

別思

西菴雨未收東嶮風又作留住綠蓑衣莫與篙師著

行徹 一首

行徹字繼總衡州人劉善長之女嫁陳氏子而

寡中歲出家為僧通微弟子住嘉興福國禪院

有語錄

詩話繼總偈語多近詩者如山居云野猿探果熟巢鳥入林深送人云晚食專絲滑秋衣絳荔輕落葉云秋聲千葉墜遠影一葉孤均有郊島風骨

秋日懷母

不見慈闈秋信來籬邊黃菊帶霜開為憐消息無人寄
一日峰頭望幾回

行剛 一首

行剛號祇園嘉興人處士胡日華女嫁諸生常
公振未暮而寡中歲出家為僧通乘弟子住嘉
興梅會里伏獅院有語錄

詩話石車乘禪師以如意付祇園此崇禎丁丑年事先伯祖母趙淑人嘗師事祇園疑義必質故余少日嘗見之威儀醇樸毋論空門行業即

明詩綜卷九十三

二

以節婦論亦宜存其片言以當風樓新誠也淑人崇禎間兩朝中宮周后語官人云朝中命婦率蓬蔭繁戚施薄福之相雖刑部朱侍郎妻莊嚴婉麗稱此象服爾

孟夏關中詠

百結鶉衣倒挂肩飢來喫飯倦時眠蒲團穩坐渾忘世
一任塵中歲月遷

神一 一首

神一初名淑吉字美南姓夏氏考功允彞女也
歸侯洵二十而寡遂削髮為尼更今名改字荆
隱有龍隱遺橐

悼亡

蕭蕭鑿玄夜幽室生微涼眷言念君子沉痛迫中腸音

微日以杳翰墨猶芬芳靈帷空蕭條齋奠真荒唐唐舉聲
百憂薰泣涕不成章

詩話詩不期工一
真摯足以傳矣

明詩綜卷九十三

明詩綜卷九十三

三

明詩綜卷九十四

小長蘆

朱彝尊 錄

土司

從孫 不載 絹評

靜志居詩話土司之目自古無之禹貢三百里蠻書旅焚周官職方氏
記明堂位稱八蠻爾雅稱六蠻其種曰黎曰狝曰獠曰獯曰獯曰獯曰
有大姓為之雄長明制仿元舊典分設官吏之宣慰招討安撫長官司
司初隸驗封後以其半隸武選嘉靖中申明舊典隸驗封者布政司領
之隸武選者都指揮使領之文武相雜羈縻有術雖間有不靖旋即
平濊澤霑濡久而漸知嚮學若黔之宋氏昆友滇之木氏祖孫各著詩
文擅于風雅昔章宗見禿髮僂檀歎曰奇才英器不必華夏明智敏識
不必讀書九州之外五經之表復自有人錄土司之詩明之聲教遠矣

宋

昂 一首

昂字從頰號省齋襲貴州宣慰使與弟昱有聯

芳類 稟

謝少安云宋氏所領部下多漢人易馴服凡里甲在官及
儒學弟子負皆其民也 毛大可云貴州蠻種不一有宋

家蔡家相傳春秋時楚子俘宋
蔡二國人而放之南疆遂為蠻

明詩綜卷九十四

詩話洪邊宋家其先鎮州人遠祖景陽開寶間官節度使平定西蠻詔
就大萬落樂開總管府俾鎮其地歷十有四世曰阿蠻任元官至昭毅
大將軍靖江路總管佩三珠金虎符階榮祿大夫平章政事柱國順元
侯贈貴國公諡忠宣又三世曰欽洪武初內附授懷遠將軍世襲宣慰
使按貴州苗民五十一部安氏領四十九部長曰頭目宋氏領十二部
長曰馬頭昂昱兄弟俱能文昂詩有云采藥澗庭高浪遠月明揚子
湖船疎碇殘月孤村外 袁草昂詩有云秋風靜洞庭高浪遠月明揚子
暮潮寒 昱詩有云野戍清秋聞鼓角 湘村日出露松松 數聲啼鳥憑歌
林滿地 鈇陽 陽關門 卧聽笙歌來別岸 起看鷗鳥浴前汀 墳麓迷
秦風 韻翻 翻試掩姓氏 誦之以雅以南 莫辨其出于昧任株離也

送趙遜敏東歸

琴鶴先生樂自然故山歸去白雲邊門前柳憶陶元亮

洞口人迎葛稚川行色蒼茫林影外離情蕭索酒杯前

欲知別後相思意疎柳寒梅鎖暮烟

宋

昱 一首

昱字如晦號宜菴昂之弟

送汪公子還嘉禾

城上樓烏下女牆。城邊行客醉壺觴。一尊風雨秋蕭颯。
千里關河路渺茫。鄉夢已隨雲去遠。離情空與日添長。
憑誰為報南湖遠。早晚還來理釣航。

木公恕

五首

公恕字恕卿。笮人。先本麥氏。洪武中歸附。賜姓

世襲麗江知府。有雪山始音萬松吟卷

恕卿嘗以

詩求正。張翥光揚用修希風附響。自比于長卿之盛覽。國家聲教四訖。嘉萬之間。西陽水西諸土官。靡不戶誦詩書。人懷鉛槧。而恕卿實為之前。若且以忠順自勵。世廟親麗定輪。有輯寶書。邊境之榮。可謂豪傑之士。非漢代白狼槃木之比。

詩話。恕卿。詔年讓爵。隱於玉龍山。南亭曰翠雪。瑤曰丹霞。堂曰一鏡。種桃。藝竹。環以山松。又起迎仙之樓。日以吟詠為事。中年將兵。却敵。功在邊。昭永陵。有御書之。交於時。肯竹一宋末之。或先張禹山。稱其朗潤清。越李中溪。謂其得樂府音節。揚升菴。許其體句。俱新寫景。入繪。諸公之

明詩綜卷九十四

二

賞音
若是

江邨

江上層雲合邨邨。結暮陰。漁燈半明滅。風雨葦花深。

病起

臨曉新梳髮。呼兒卷幔紗。平生行樂慣。病起即看花。

飲春會

官家春會與民同。土釀鴉竿節節通。一匝蘆笙吹未斷。

蹋歌起舞月明中。

春游即事

綫絨緩拽紅鞵膩。叱撥頻嘶綠巷深。踏柳穿花還未遍。

夕陽又抹樹頭金。

種柳

雙楊初種幾經春。始見長條已拂塵。萬里綠陰堪作幃。
一枝不許贈行人。

木青一首

青號松鶴又號長春公。恕曾孫卒贈中憲大夫。

有玉水清音

松鶴能詩善書如輕雲不障千秋雪曲
檻偏宜半畝荷含烟翠篠供詩瘦啄麥黃雞佐酒

肥皆中土

詩句也

詩話松鶴詩不及曾祖而勝其子增增
篇什雖倍然非所云中土詩也

移石草亭

萬松深窈處。獨構此茅廬。斲地移新竹。通泉溜小渠。琴
書常作侶。木石與為居。笑殺求名者。磻溪一老漁。

明詩綜卷九十四

三

明詩綜卷九十四

明詩綜卷九十五

屬國

小長蘆 朱彝尊 錄

錫山 秦敬然 緝評

高麗

靜志居詩話高麗文教遠勝他邦自元以前詩曾經大司成韓楨崔瀛彥明父選錄曰東人之文凡二十五卷度必有可觀惜無從訪求今之存者僅會稽吳明濟子魚朝鮮詩選而已

為王氏諸臣白

冤可謂發潛德之幽光矣予更證以高麗史東國通鑑東國史略殊域周咨錄皇華集輜軒錄訂其異同補其疎漏論次稍加詳焉

倭 遜 一首

遜回鶻人初名百遼世居倭輦河因為氏家世仕元順帝時中進士歷翰林應奉文字宣政院斷事官選為端本堂正字恭愍王七年避兵

明詩綜卷九十五

一

東來賜第封高昌伯改封富原侯有近思齋逸

藁

山雨

一夜山中雨風吹屋上茅不知溪水長祇覺釣船高

鄭夢周 三首

夢周字達可高麗迎日縣人初名夢蘭又名夢龍既長改今名恭愍王九年應舉擢第一人累官政堂文學進三司左使改進賢館大提學知經筵春秋館事兼成均大司成領書雲觀事初封永原君加封益陽郡忠義君為李成桂所殺梟其首于市籍其家後贈大匡輔國崇祿大夫

領議政府事修文殿大提學兼藝文春秋館事

益陽府院君謚文忠有圃隱集

遼東李成桂倡牛金之

議廢禡于昌立又放之威權日盛羣小趨附欲盡殺宰相李穡等恭讓王瑤孤立無倚乃與夢周謀成桂洪武壬申成桂敗于海州伴墜馬稱疾夢周大喜以為可圖名還稿將以殺成桂成桂子芳遠遣趙英珪要于路殺之洪武實錄載朝鮮事云成桂既立其國都評議司奏言禍犯遼陽成桂力阻之鄭夢周實主其議以故深怨成桂瑤立從史瑤殺成桂及鄭道傳等國人奉安紀命放瑤而立成桂此成桂來告之辭史官

按而書之者也以東國史參考之王諫既欲夢周以諫阻此使被放再朝京師深荷優遇寧有主謀犯遼之事攻遼之役成桂實在行於夢周何與夢周之欲殺成桂為其謀集也非謂其阻攻遼也夢周不死成桂寔必不成既殺夢周以竊國又藉口攻遼委罪夢周以自解免史官信其欺謾按而書之不亦冤乎東國之史出朝鮮臣子之手尊成桂父子曰太祖太宗曲為隱諱而夢周不附成桂之事謹而書之不汲其實正

德中麗人修三綱行實忠臣以夢周為首國有人焉豈非箕子之遺教與

詩話靖難君臣改修明太祖實錄因方孝孺而其父克勤循吏也乃漢其實黃觀景清修書傳會選而削其名且誣方先生叩頭乞哀觀於麟趾等亦自書其事是纂竊之芳遠賢于長陵而下國之史官勝于楊士

明詩綜卷九主

二

奇輩多矣可數也夫

感遇

人心如雲雨翻覆在須臾素絲變其色安能復厥初啞

啞羣飛鳥集我中田廬雌雄竟莫辨涕泣空欷歔

云高麗

辛禡王淫而不德侍中李成桂有異志夢周一國重臣憂權之下移悲而歌之其志遠矣

使日本書懷

水國春先動天涯客未行草連千里色

一作綠

月共故鄉明

滄說黃金盡思歸白髮生男兒四方志不獨為功名

偶題

赤葉明邨徑清泉漱竹根地偏車馬少山氣自黃昏

李 檣 一首

稽字穎叔中征東省鄉試第一明年赴元廷試
擢二甲進士授應奉翰林文字累官政堂文學
封韓山府院君進位門下侍中與鄭夢周同謀
去李成桂放于韓州再放衿州徙驪興尋封韓

山伯卒謚文靖有牧隱集

高麗自政歸李氏稽與夢周立昌擁禍思齊社稷於

成桂之手而延王氏一錢之緒東史稱其與夢周同心終始不變臣節可不謂忠乎成桂之放弑以辛氏為口實而東史亦曰宋儒謂元帝本非馬宗東晉人臣以國勢有歸不得已而安之稽子立辛不敢異議亦此故也李氏專政有年國柄在手竊國二百餘年皆其臣子悠悠千古誰與辯牛馬之是非乎定哀多微詞東史有焉

早行

凌晨問前路曉色未全分帶月馬頭夢隔林人語聞樹
平連野霧風細繞溪雲異國堪愁絕南天無鴈羣

明詩綜卷九五

三

李崇仁

一首

崇仁字子安京山府人恭愍王時登第官至簽

書密直司事同知春秋館事李成桂篡立以鄭

夢周黨削職遠流有陶隱集

成桂篡國之日東國之臣子不忍背王而

事李者稽夢周之外崇仁其矯矯者也夢周謀李之日崇仁與稽偕名成桂篡立之後崇仁又與稽偕貶則崇仁為王氏之忠臣可知矣

挽金太常

禮儀今太叔史學昔公羊四十人間世千秋地下郎空
庭餘敗草老樹逼一作斜陽俯仰成陳迹經過只自傷

李

詹一首

詹洪州人恭愍王時及第授藝文簡閱三轉為

正言歷知申事

雜咏

舍後桑枝嫩畦西薤葉稠陂塘春水滿
樨子解撐舟

權 近一首

近初名晉字可遠一字思叔號陽邨高麗秀才

有應制集

詩話陽邨至京師高皇帝優禮特之賜衣賜食爰命賦詩陽邨先之以本國廢興之由道塗經過之所次之以本國離合之勢山河之勝與夫鄰境之情形兼述東人感化之意既成精華炳蔚音響鏗鏘帝覽之稱歎因命與劉公三吾許公觀景公清戴公德彝張公信輩偕游南北市來賔重譯鶴鳴醉仙諸樓帝又賜以御製三詩此洪武丙子歲事建文四年春朝鮮恭定王李芳遠令知申事朴錫下議政府鏤板以行於是嘉靖大夫藝文館提學國人李詹暨奉使翰林史官兵部主事金陵端木孝思均為作序而淮南陸灝番陽祝益獻題詩其後焉陽邨賜游酒樓實錄未之載予所見應制集則天順元年朝鮮本也

題鶴鳴樓

明詩綜卷九十五

四

鶴鳴樓上久徘徊環珮珊珊緩步來
已喜清歌和寶瑟况看纖手奉金杯
南臨帝甸山河壯北對天門日月開
得被內臣宣聖澤六街三日醉扶回

權 遇一首

遇爵里未詳

竹長寺

衙罷乘閑出郭西殘僧古寺路高低
祭星壇畔春風早紅杏半開山鳥啼

金九容一首

九容初名齊閔字敬之安東人中進士拜三司

左尹與李崇仁權近等上書都堂阻迎北元使

竄竹州名爲左司議大夫終成均大司成尋流
大理衛有惕若齋集

詩話敬之年十六中進士國王命賦牡丹詩敬之居首既因諫
迎元使被流編所居曰六友堂以詩酒自娛亦瀟灑之士也

江水

江水東流不復回。雲帆萬里向西開。菰蒲兩岸微風起。
楊柳長隄細雨來。別夢遠迷箕子國。旅愁獨上楚王臺。
行行見說巫山近。一聽猿聲轉覺哀。

趙云佐 一首

云佐高麗豐壤縣人恭愍王六年登第調安東
書記累轉閣門舍人以刑部員外郎從王南幸

遷國子直講歷全羅西海楊廣三道按廉使辛

明詩綜卷九十五

五

禡三年起授左諫議大夫辛昌立召拜僉書密

直司事升同知恭讓王二年出爲雞林府尹李

芳遠篡立授江陵大都護府使以病辭又拜簡

校政堂文學不授祿

詩話云佐以典法郎退居尚州露陰山下自號石欄樓霞翁出入騎牛
超然有世外之想及轉判典校復退居廣州古垣江都營板橋沙平兩
院自稱院主敝衣草履與役徒同勞苦李氏竄立爵祿不受臨終自誌
其墓云趙云佐本豐壤人高麗太祖臣平章事趙孟三子代孫恭愍代
興安君李仁復門下登科歷仕中外佩印五州觀風四道亦無聲績亦
無過嘗年七十三病終廣州古垣城無後以日月爲珠璣以清風明月
爲真而葬于古揚州義差山南銘曰孔子杏壇上釋迦雙樹下古今聖
賢人豈有獨存者可謂嶽奇跌宕之士矣

然當以鄭氏
高麗史爲正

即事

荆門日午喚人開。步出林亭石滿苔。昨夜山中風雨惡。

一溪流水泛花來

朝鮮

詩話高麗朝鮮一也然王氏建國本名高麗迨李氏稱藩始更朝鮮未可以王氏死事之臣入之朝鮮也今以李芳遠襲位之後諸陪臣別為朝鮮庶幾無戾

通鑑綱目書法

鄭道傳 一首

道傳官右軍總制使芳遠立召為奉化郡忠義

洪武三十年帝覽朝鮮表辭侮慢使者言是鄭道傳所撰帝遣索道傳王巨諶云表出鄭總等三人帝諭巨云開國承家小人勿用如鄭道傳乃小人之尤者在王左右豈能助其為善此非三韓之福也按李成桂專國道傳傾身附之太祖索道傳於彼中雖明知其不我予其所以寒畯臣賊子之心者至矣

重九

故園歸路渺無窮水遶山圍第幾重望欲遠時愁更遠

明詩綜卷九十五

六

登高莫上最高峰

曹庶 一首

庶嘗使明流金齒國道經五靈廟題詩

五靈廟

邨南邨北雨淒淒古廟靈風楊柳低十里江山看枕上

竹林深處午雞啼

鄭希良 一首

希良爵里未詳

偶題

十年一劔遠平戎勳業蕭條歎轉蓬瘴氣曉來雲似墨山容霽後雪為峰地連龍穴天多雨門對鯨波畫亦風

幾被故人吟桂樹。客牕落莫傲歸鴻。

朴原亨 三首

原亨官戶曹判書調刑曹判書

詩話天順元年使朝鮮者翰林修撰吳陳鑑領熙大常博士會稽高閔居平三年奉使則刑科給事中餘姚陳嘉猷世用四年奉使則禮科給事中海鹽張寧靖之原亨凡三充館伴靖之贈詩云朝鮮賢臣朴判書老成文物非凡儒蓋其國中翹楚也

登漢江樓次張黃門韻 二首

遠岫橫如黛。芳郊綠漸平。歸鴉翻夕照。啼鳥弄春晴。暫得新知樂。還教別恨生。關山逾萬里。何處望燕京。春光方浩蕩。嵐翠轉霏微。雪浪搖歌扇。汀蘭襲舞衣。素鱗時潑潑。輕燕已飛飛。景物看如此。從教緩緩歸。

渡大同江次韻

明詩綜卷九十五

七

遂傳丹詔促行裝。暫駐星槎沮水陽。江浦雪消春意動。郵亭日暖客懷長。一杯且可酬佳節。萬里無勞憶故鄉。野闊天低山似畫。不禁詩思入蒼茫。

申叔舟 二首

叔舟字汎翁自右弼善歷禮曹判書積官至議

政府領議政以功封高靈君有汎翁集

詩話考叔舟於景泰二年八月國人鄭麟趾進高麗史表修史官三十二人叔舟與馮書銜曰中訓大夫兼賢殿直提學知制教世子右輔德兼春秋館記注官知承文院事臣申叔舟天順元年官議政府右贊成四年進左議政成化七年十二月奉國令探海東諸國紀書成作序書銜曰翰忠協策靖難同德佐翼保社炳鑿定難翊戴純誠明亮經濟弘化佐理功臣大匡輔國崇祿大夫議政府領議政兼領經筵藝文館春秋館弘文館觀象監事禮曹判書高靈府院君臣申叔舟紀書日本代序及八道六十六州頗詳所著詩集二十卷孫從漢編宣都善尚書越使其國爲作序

陽德驛

北塞歸塗千里度陵谷日暮投陽德館宇半茅屋輕
風吹枯枝短垣依斷麓雨歇低行雲山深聽鳴鹿坐久
正蕭然清溪走寒玉遠客自無寐呼童剪殘燭

次韻登漢江樓

綺席登樓迴春江碧玉流早梅香澗曲芳草滿汀洲
賓主歡情洽江山喜氣浮良辰須酌酌莫惜更遲留

權 三首

擊由吏曹判書累遷右議政

詩話陳緝熙使朝鮮國人賦詩繼和者自朴原申叔舟外有若仁順
府尹寶文閣提學金守溫領議政鄭麟趾禮曹參判盧叔全禮曹判書
洪允成兼成均司成金鈞金未左承旨曹錫門而權擊為之作序書銜
曰吏曹判書集賢殿大提學知春秋館事後二年進議政府右贊成明

明詩綜卷九十五

八

年進右議政其序略云詩者人心之感物而形於言也心之所感既不
能無邪正故言之所形亦不能無是非惟聖人在上則人皆親被其化
以成其德有以得夫性情之正故其所感而發
於言者粹然無不出於正矣其持論頗中繩尺

登漢江樓 二首

南樓初縱目檻外俯長流雪盡落梅塢春深芳草洲
湖光晴灩灩山氣暖浮浮使節陪登眺斜陽更挽留
城南一樽酒相對暮山青小艇橫前渡孤帆落遠江
雲連復斷主客醉還醒落筆龍蛇動高懷入窈冥

楊花渡次陳給事韻

山亭置酒近江濱興至頻傾白玉卮萬里歸來多客恨
一時登眺得神怡高標已覺氷霜掃新調還聞白雪詞
北去他年如記憶也應飛夢到遐陲

尹子雲 三首

子雲官都承旨

登漢江樓次韻 三首

高軒時暫駐。勝地許相招。詩律吟邊改。愁懷醉後銷。汀
花經雨動。岸柳受風搖。忽起中流興。春心付短橈。
何處窮遐矚。丹梯近百層。陽坡先有草。陰壑已無冰。美
景時相引。風懷晚尚仍。欲成賓主好。觴詠正堪憑。
風光觸處好。春氣望中微。山淨濃如畫。江深綠染衣。夢
隨蝴蝶亂。心逐野雲飛。人世難開口。惟須倒載歸。

李克堪 一首

克堪官左承旨

明詩綜卷九十五

九

登漢江樓次韻

遲日晴方好。和風暖更微。山陰追禊事。沂上換春衣。劇
飲金卮滿。清譚玉屑飛。牆頭輕燕舞。有意惱人歸。

徐居正 一首

居正字剛中。議政府左參贊。有北征藁。

詩話成化丙申。祁主事順使朝鮮。居正充達迎使。既為館伴。因時與信和為。在其北征藁。北征藁者。天順庚辰。居正奉王命入覲而作也。順稱其博古通經。長篇短章。淵淵乎有本浩浩。乎不窮與中國之能詩者。殊不相遠云。

即事

小沼如盤水。淺清菰蒲新。發荻牙生連筒引。却前溪水
養得芭蕉聽雨聲。

申從獲 一首

從渡叔舟孫官成均直講

傷春

茶甌飲罷睡初輕。隔屋聞吹紫玉笙。燕子不來鶯又去。滿庭紅雨落無聲。

許

琮

六首

琮字宗卿安興人由進士為吏曹判書積官至

參政府議政有尚友堂詩集

詩話孝宗即位之初以右春坊右庶子兼翰林院侍講寧都董公越工科右給事申上元王公敞頌詔于朝鮮宗卿時為館伴繼和之作綽有唐人風格句如春歸飛鳥外天闊落帆中細雨全沉樹孤城半帶烟東風瓜蔓水斜日竹枝歌風急搏羊角波翻起鴈羣官橋晴曬網野渡晚鐘舟俱清婉可誦董公為作序稱其音律諧暢蕭然出塵非虛譽也董公後仕至南京工部尚書贈太子少保諡文僖王公亦仕至太子少保兵部尚書贈太子太保宗卿祖楷字原德官奉嘗有梅軒集曾祖錦字在中官判書有野堂集見龔吳兩公序

明詩綜卷九十五

十

登浮碧樓次韻

渚草平如翦江雲濕不飛餘霞飄綺席新浪濺苔磯古寺蘿垂壁漁家水浸扉眼前多少景惆悵客將歸

安興道中次王黃門韻

韶光如酒著人迷漫把霜毫取次題山北山南春雨歇隔林紅日鷓鴣啼

登鳳山樓次韻

獨倚雕闌帽影斜客守衰鬢已非鴉不禁杜宇聲聲苦啼盡東風第一花

松林晚照次韻

一邨桑柘夕陽微芳草叢生柳絮飛已過蘭亭修稷後

風寒猶未著春衣

所串館道中即事次韻二首

數株官柳野橋傍飛絮紛紛撲馬香
江南欲來龍氣黑水風吹作十分涼

家在江南水竹邨鳥啼花落掩柴門
年年犇走東西路坐席何由得暫溫

成 倪二首

倪西京觀察使

詩話朝鮮兵曹判書魚世謙弘治元年序皇華集錄倪詩四首王尚書稱爲成中樞又稱成同知又爲作風月樓記則云西京觀察使惜成化一朝奉使之詩無存未能詳考矣

擬古

明詩綜卷九十五

十一

今日良宴會嘉賓滿高堂綺肴溢雕俎美酒盈金觴
左右燕趙姬睂目婉清揚朱絃映皓腕列坐彈宮商
流年雙轉轂倏忽鬢已霜相逢且爲樂何用苦慨慷
金張竟何許纍纍歸北邙

成 侃一首

侃爵里未詳

囉噴曲

爲報郎君道今年歸未遲江頭春草綠是妾斷腸時

盧公弼二首

公弼安州人官戶曹判書

詩話弘治五年兵部郎中南昌艾璞德潤使朝鮮公弼充遠接使亦有詩贈答知成均館事洪貴達序之

開城太平館次艾兵部韻

斜陽策馬過孤城想像當年玉作京國破山河渾似舊
時平民物不知兵春深古館生禾黍水澗荒池插稻秧
往事悠悠何處問鶴歸華表月空明

鳳山樓次董內翰韻

畫樓登眺帽簷斜苔壁詩成字點鴉幽興未闌天欲暮
一簾疎雨落桐花

李符三首

符字擇之官議政府右贊善

詩話世宗入繼大統嘉靖元年奉使朝鮮者翰林修撰欽唐皋守之兵
科給事中涿州史道克以其時館伴惟符詩最多餘若全議政諡南議
政袁鄭寺正士龍李寺副希輔尹承旨希仁徐承旨厚蘇司成世讓李
判書沆又不知爵秩者二人洪淑成雲皆有廢酬之作然必以符爲巨

明詩綜卷九十五

十二

擊

開城館次董圭峰韻

行行縣道路日日困風沙去壑悲流水投林羨暮鴉窮
冬催暖律宿草欲新牙更憶吾廬好寒梅幾樹花

過臨津江

臨津催早發問渡即清江緩擊中流楫徐牽上水艤寒
魚依石竇曉日照蓬牕有客忘機坐飛來白鳥雙

蒼鹿峰給事

歸袂惓惓不可攀銷魂祇是黯然間鹿峰正在千山外
鳳節全無半日閒今日預將詩作別他宵何忍月同還
此生難復陪清賞悵望雲霄玉筍班

李希輔 二首

希輔字和宗由禮賓寺副正歷官同知中樞府
事有安分堂詩

蔥秀山次唐先生韻

客行值殘臘長程催短景天寒鬢易冰葉脫木無影揮
鞭發安城露濕衣袖冷迤邐度雲漢邂逅逢峻嶺緬懷
董學士曾此憩夙靜突兀數尺碑其文信蔚炳往事浮
雲空幾年孤此境茲山真自幸四牡又來騁留詩繼前
賢頓覺仙凡迴而我苦鶩緩古訓蒙不省何幸接詞源
飛流激奔猛涯涘不能窺况敢得要領無心和陽春有
懷徒耿耿願言借餘光破我心昏暝

明詩綜卷九十五

十三

次唐修撰夜宿太平館醉起韻

雄辭海生波醉墨鴉翻壁無使我公歸於焉作佳客

蘇世讓 八首

世讓字彥謙初官成均館司成遷戶曹判書歷
議政府左贊成有清心堂詩

詩話彥謙自嘉靖元年即與使臣唱和至十六
年十八年凡三元館伴詩雖平衍亦稱具品

箕子操

天疾威予不祚我商目窅窅予未見日光王聖善予我
無良欲瞑我目予羞我先王吁嗟乎我寧為奴子寧忍
發出狂

東方五章答陳給事

維我東方有山蒼蒼有水泱泱君子戾止維其有章
我有嘉賓我心則愉貽我以佩琚
我有嘉賓既敬且久貽我以佩玖

何以報之報之以椒蘭有德斯馨唯以永歎
何以報之報之以芰荷服之無斁其樂如何

蕙秀山次唐先生韻

我竝青山行山行信多景淵潭清見底杉檜翠交影况
當沍陰天風日淒以冷蕭蕭晚雨霽突兀見斯嶺巖巒
互迴合洞壑極沖靜有如畫圖開不用丹青炳曩時董
學士探勝得真境眷茲心賞諧更將文字騁至今稟清
風未覺歲月迴賞音會有人二妙復來省陽春一繼和

明詩綜卷九五

十四

筆力肆豪猛小子忝後塵盛事心已領攬舊又感今中
懷益耿耿沉吟久佇立前峰欲含暝

漢江陪宴

斷徑緣崖轉高樓面水開杯盤供宴賞歌鼓殷晴雷沙
遠迷烟樹潮迴沒釣臺江山如許勝應爲使星來

荅鹿峰給事

珍重龍門豈易攀屢承清誨笑談間極知後會終無地
其奈前程若未閒佳境總爲忙裏過好詩空貯橐中還
明朝悵望雲山遠杳杳仙蹤隔鷺班

良策道中次韻

春陰釀雨欲淒迷長路愁衝滑滑泥奔霧逐風歸遠岫

亂流經野赴前溪
潮從小浦平時上
燕掠平蕪盡處低
高卷湘簾望山氣
夕陽猶在短峰西

太平館次韻

望眼山連北歸心
月向西羈魂與別恨
愁殺五更雞

初見杜鵑花次雲岡修撰韻

際曉紅蒸海上霞
石崖沙岸任欹斜
杜鵑也報春消息
先放東風一樹花

鄭士龍一首

士龍字雲卿鼎津人
由內資寺正遷刑曹判書
歷漢城府判尹改戶曹判書
再改吏曹判書階資憲大夫
有湖陰草堂詩集

明詩綜卷九十五

臺

詩話雲卿嘉靖中五允館伴道交禮接為羣公所稱唐守之贈詩云卿
子有詩才豈在鷓鴣下
龔雲岡則謂其沉着沖澹不為綺麗豔冶之辭
有唐人之遺意嘗築十玩堂于鼎津十玩者竹梅松菊水石并楮研筆
墨而十也守之及史給事克弘皆為之賦詩及華亭張行人承憲奉使
國王刊其詩入皇華集俾雲卿序之謂古之詩人類皆有為而作未嘗
為無益之辭是亦得詩人之旨者也句如不謂交歡地翻成送別亭具
健韻

長虹

垂虹屈曲跨清波
藻荇香中笑語過
恰似松江三百尺
樣船聞唱采菱歌

金安老

二首

安老字頤叔歷官議政府左議政領書筵監春
秋館事兼弘文館藝文館大提學知成均館事
階崇祿大夫有明虛軒集

詩話朝鮮君臣最稱好事使者輅軒一至即命館伴遠迎屬和詩章連篇累牘襲修撰用卿鳴治吳給事希孟于醉於嘉靖十六年奉使國王遣陪臣十人陪謫漢江之上汎楊花渡登龍頭峯縱觀江山之勝十人者金議政安老蘇判書世讓尹判書仁鏡金參贊麟孫沈判書彦光吳判尹潔許參贊洽鄭判書士龍許參判沅朴承旨洪麟皆國中名士此外復有金議政謹思尹議政殷輔黃承旨憲朴承旨守安道李觀察龜齡中參判百朋開城韓留守嶺昌京畿金觀察希說平安道李觀察龜齡中樞李同知希輔咸有詩篇繼和極東國一時之盛皇華是集安老實序之

望遠亭次韻

幽興牽人惱遊蹄豈惜遙殘雲橫浦口飛鷺割山腰江穩開輕纜潮生沒斷橋異鄉歸思促心趁紫宸朝

漢江陪宴次韻

人間不信有丹丘漢水仙舟即十洲夕日蘸波紅漾漾江烟連樹翠浮浮晴川有句還題壁長笛何人更倚樓

明詩綜卷九五

五

天上明朝遙悵望遐陬能復記茲遊

尹仁鏡

二首

仁鏡由禮曹判書改戶曹積官至議政府領議

政

太平館次韻

紅惜花飄岸青憐柳拂橋江風吹颺颺篷雨打蕭蕭簾卷樓橫笛山空谷響樵雙旌拚賞去回首海天遙

登漢江樓次韻

郭外澄江江上臺登臨頓覺隔氛埃遙山雲斂雨初霽極浦波平潮又來明月似迎星使出輕帆須趁晚風開佳辰佳境兼佳客乘興休休停到手杯

金麟孫

一首

麟孫官議政府左參贊

次韻別吳副使

臨分盡醉側烏紗長路高低日易斜好雨多情知滑道
輕風惜別解飛花留春縱欲兼留客戀闕其如又戀家
一去茫茫遼薊遠銀河何處問仙查

沈彥光

一首

彥光字子求官吏曹判書

詩話子求望遠亭詩有白鴈依寒渚青驢度小橋之句頗饒晚唐
人風韻徐敬德花潭集有次留守沈相國彥慶韻詩當是其弟

太平館次韻

春鳥花邊啼暮鴉樹頭宿何事遠游人不秉良宵燭

明詩綜卷九十五

七

許洽

一首

洽參政琮之孫官至議政府右參贊

詩話洽與弟沆俱有時名嘗集其先世詩號陽川世臺流官吏曹參判
兄弟皆執國政詩有漁店日斜遙笛起海門風急曉帆開之句亦覺爽
倫殊

漢江陪宴次韻

綠水靈源自五臺新添好雨絕塵埃長洲芳草移船近
遠渚輕鷗避權來景物盡供今日興襟懷須向此中開
猥參勝引非吾分擬向巖前倒玉杯

國有酒巖酒
流出其下

金謹思

一首

謹思官議政府領議政

別吳副使次韻

方空歲歲感輕紗。半榻香烟一穗斜。萬里往來蝴蝶夢。
三春開落杜鵑花。吹殘遠笛誰懷土。過盡良辰不在家。
日暮關山雲樹隔。天津何處瀾靈查。

尹殷輔一首

殷輔官至議政府領議政

游漢江次韻

江上天然百尺臺。澄波無綠鏡無埃。茫茫極浦舟南北。
渺渺長空鳥去來。汀草有情吟外碧。岸花隨意望中開。
叨陪高會誠踰分。乘興還須倒百杯。

黃琦一首

琦由承政院右副承旨遷都承旨

明詩錄卷九十五

七

開城

白駒難自繫青眼。更離筵。江海相忘處。烟波欲暮天。
落花飄醉袖。芳草入吟鞭。翰墨真餘事。功名正妙年。

金安國一首

安國字國卿號慕齋官刑曹判書至領議政有

慕齋集

詩話使東國者前有張芳洲後有華鴻山皆中朝之詩。伯鴻山至口館
伴十有一人。非不每篇鍾韻然中伴者寡矣。十一人者。議政府領議政
尹殷輔。議政府右議政金克成。議政府左參贊柳灌戶曹判書尹仁鏡
吏曹判書成世昌。禮曹判書李龜齡。工曹判書尹世豪。漢城府判尹鄭
士龍。承政院都承旨黃琦。左承旨申瑛。及安國也。鴻
山館國中僅五日而返。此見於皇華集者不能多焉。

開城太平館次韻

溫韞陵廢井空青。種祭田荒但記名。舊跡不隨時代滅。

停駿落日一傷情

申光漢 一首

光漢字漢之由吏曹判書官至正憲大夫議政
府左參贊兼知成均館事弘文館藝文館大提
學同知書筵春秋館事有企齋集

詩話舊典使于東國必命儒臣錄舍迨嘉靖二十三年恭信王薨遣使
賜諡及賻改命司禮監太監郭敏訓以華亭張行人承憲於是中官偕
行道塗無酬答之作禮成而返乃賦詩以寄國人爰有吏曹判書申光
漢議政府右贊成柳仁淑成均館司藝林亨秀禮曹正郎李洪男尸曹
參判沈連源黃海道觀察使權應樞相與追
和之仍刊爲皇華集一卷而鄭汝龍爲作序

暮景

樹密深濃翠孤烟澹作雲前鄰聞犬吠暗路草中分

林百齡 一首

明詩綜卷九十五

九

百齡官議政府右議政

詩話張行人既使東國諭祭恭禧王釋禮成而返明年禁靖王峪復獲
於是別選廷臣遣行人長安王鶴往賜祭及謚陪臣以詩贈答議政府
右議政林百齡禮曹判書尹 說江院判書任權吏曹參判曠居寬成均
館大司成李潤慶司藝崔暹承政院右副承旨洪敘疇奉常寺金正朴
忠元開城府留守李濠亦與觀家慶宋顯
壽而鄭士龍尹仁鏡韓 說亦與焉

游漢江次韻

王室千年作翰藩欣聞使節頌聲喧登樓未倦陪歡賞
汎水還容接笑言舉網漁人貪似懶操舟楫子捷於援
夷猶領得滄洲趣還向春風望故園

李潤慶 一首

潤慶官成均館大司成

漢江次韻

漢江形勝表東藩使節登臨鼓吹喧對景每憑詩遣興
通情猶借譯傳言忘機白幸參沙島隨世何殊束檻猿
回首風光堪遠矚雨催新綠遍郊園

李濂一首

濂官開城府留守

詩話花潭集有贈留守李相國濂詩

泛臨津江

臨津傳勝事駐節是仙舟烟幕沙邊樹風迴水面鷗笑
談情不淺詩酒興難收絕域萍蓬會無忘此日遊

徐敬德二首

敬德朝鮮生員有花潭集

明詩綜卷九上

二

詩話花潭講學專以周邵爲宗詩亦效法擊壤以金安國引薦授參奉
力辭集中酬和者李相國濂朴相國祐沈相國彦慶李留守龜齡金都
事洪林正字曾沈教授義張教授賜題上舍玉沈列提宗元朴參奉漚
而朴氏獻頤正金漢傑士伸趙昱景陽金惠孫彥順以及黃元孫許太
輝等疑皆從
游講學者也

山居

花潭一草廬蕭灑類仙居山色開軒近泉聲到枕虛洞
幽風澹蕩境僻樹扶疎中有逍遙子晨朝聞讀書

靈通寺次題壁韻

松溪一路入青林林下禪居晝亦陰觸石泉流三面轉
倚天山色萬重深清歡直欲朝連夜勝引應難後繼今
數局枯棊談笑裏不知雲日已西沉

辛應時一首

應時官校書館校理

詩話隆慶元年以即位頒詔朝鮮欽許公國南昌魏公時亮持節以
往是時恭憲王暉又薨兩公返命共成詩一卷國中屬而和者止工曹
判書朴忠元一人議政府左贊成兼知書筵春秋館事洪運序之曰小
邦不幸兩公之來適丁大減滿目愁慘無意於覽物輒題逐篇和進亦
非有喪者所當為所以倡之少而和之寡也於此足徵其為秉禮之國
矣明年衡陽歐希稷以行人奉使館構字應時朴淳等始復有贈送詩
焉

送歐大行還朝

鴨綠江頭送櫂聲。東風吹淚若為情。人間離別傷今日。
天上音容隔此生。衡浦鴈迴驚遠夢。洞庭春盡渺歸程。
遙知萬里相思處。南斗橫斜片月明。

朴淳一首

淳官吏曹判書

明詩綜卷九十五

太平樓次歐公韻

來遊萬里魂應斷。獨倚青冥思更賒。天闊楚鄉飛客夢。
路窮蓬海駐仙查。山連睥睨雲長暝。春半池塘草欲花。
簾外夕陽看漸沒。消愁惟有醉流霞。

李珣二首

珣德水人官議政府右贊成

詩話吾鄉萊陽黃公以編修使朝鮮在萬曆十年
八月自珣以下三人暨許狀元鈞皆充館伴者也

辱編修黃公示沿塗之作賦呈

丁年行役記吾曾。遼薊修塗客念憑。歷歷道邊孤店月。
依依天上早朝燈。身回蝸殼何由轉。班入蛾眉不再能。
玉署新詩分物色。瑤臺指點一層層。

送黃公還朝

長川冰雪覆寒沙。此日愁聞入塞笳。兩地雲泥分席上。
一江南北即天涯。徒勞永夜游仙夢。漸遠明河貫月查。
珍重詩篇兼贈處。媿將燕石報瓊華。

一金 瞻一首

瞻官吏曹佐郎

送別正使黃公還朝

月落關城鼓角鳴。星軺夙駕向神京。長江自昔分南北。
兩地從今隔死生。接塞凍雲迷別路。亂山晴雪照行旌。
那堪獨夜龍灣館。愁對寒燈夢不成。

高敬命一首

明詩綜卷九五

敬命官司瞻寺僉正

別正使黃公

好音無路託西歸。心逐仙查自奮飛。鴨水寒波添別淚。
鶻岑晴雪點征衣。謾將便面藏懷袖。何計承顏御鞞鞬。
匏繫海濱身已老。百年形影欲誰依。

柳 根一首

根字晦夫狀元自號隱屏居士有西垌集

詩話蘭嶼諸公以萬曆丙午使東藩柳晦夫李孝產許端甫為館伴公攜有唱和詩卷歸墨蹟今存子家

萬曆丙午五月送朱蘭嶼太史還朝

玉節東來鳳詔頒。暮春江上乍承顏。高懷獨出形骸外。
雅賞長存水石間。目斷未堪魂夢遠。形留只得鬢毛斑。

相思別後如明月。萬里清光不可攀。

李好閔一首

好閔字孝彥探花樞相有五峰書巢集

郊院別席

西郊菡萏綠盈池。折得芳華贈別離。此去金臺情不斷。寸心真似藕中絲。

許筠三首

筠舉進士第一萬曆壬午宮成均司成

熊州引一作蓬
情引

熊州樓觀飛雲外。白簡霜威凌皁蓋。組練三千引繡衣。羅裙二八鳴珠帶。九華之帳香氤氳。寂寂瓊樓午夜分。

明詩綜卷九十五

三

苧里佳人嬌薦枕。巫山仙子渺行雲。牽情夢罷看歸路。別恨迢迢隔烟霧。妾心苦作藕中絲。郎意何如荷上露。錦水東西楊柳新。往來愁殺斷腸人。欲將心事寄青鳥。芳草年年空復春。
朝鮮祖述唐宋故事驛亭皆設官妓筵以弘文館遷臺諫按部行縣其所遇歌妓若此

謝編修黃公惠詩扇

越索傳輕篋。良工制作勞。古藤分剡曲。寒竹截湘皋。灑落留清什。飄揚動彩毫。書因逸少重。價爲謝安高。自得雙金贈。還同一字褒。年年火雲日。長是憶仙曹。

奉別正使黃公

迢遞飛旌入漢關。鴨江晴雪展冰紉。仙蹤已隔雲霄外。晤語猶存夢寐間。中歲不堪頻送客。此生難卜再承歡。

空餘一握蒲葵扇，分得清風滿袖還。

許筠 三首

筠字端甫，筠之弟與兄皆舉進士第一，自號白

月居士

送參軍吳子魚還天朝

國有中外殊，人無夷夏別。落地皆弟兄，何必分楚越。肝
膽每相照，冰壺映寒月。倚玉覺我穢，唾珠復君絕。方期
久登龍，遽此成離訣。關河路險巖，秋郊方蠲熱。此去慎
行休，毋令阻回轍。東陸尚用兵，海嶠日流血。須憑魯連
子，却秦掉寸舌。勿嫌九夷陋，勉狗壯夫節。

陪吳參軍子魚登義城

明詩綜卷九十五

二百

平野垂天末，長江接海流。雨餘多牧笛，風急少行舟。獨
鶴盤雲去，雙鳧就渚浮。相憐無限意，空憶仲宣樓。

晚詠

重簾隱映日西斜，小院回廊曲曲遮。疑是趙昌新畫就，
竹間雙鶴坐秋花。

金尚憲 四首

尚憲字叔度，有朝天錄

聞柝

擊柝復擊柝，夜長不得息。何人寒無衣，何卒饑不食。豈
是親與愛，亦非相知識。自然同袍義，使我心肝測。

九日

黃縣城邊落日朱橋驛裏重陽菊花依然笑鬢髮又
度秋霜

早春

水際城邊野馬飛漸聞宮漏晝間稀東風日日蘼蕪綠
塞北江南總憶歸

初至登州

南商北客簇沙頭畫鷁青簾幾處舟齊唱竹枝聯袂過
滿城明月似揚州

崔 澱 二首

澱字彥沉海州人進士有楊浦集

李栗谷云彥沉詩似丹穴鳳雛聲纔

出穴已足驚人讀之風雷爽然殆非食烟火人語直之盛唐詩中亦無
媿也 鄭經世云彥沉信口吐詞皆成瓊屑 任叔英云彥沉服膺感

明詩錄卷九

唐詩清

越俊逸

詩話彥沉八齡能詩年十八中進士二十二而沒嘗觀衫幅中登鏡浦
臺倚柱而吟大書于壁曰蓬萊一入三千年銀海茫茫水清淺鸞笙今
日獨飛來碧桃花下無人見國中疑為真仙許竊愛而和之其逝也李
廷龜甲飲鄭協李綬祿趙鐸具寔翰浚議皆賦詩以悼感詩有云楊
浦烟花三月酒匡山風
雪十年燒向亦自佳

春日

楊柳依依江水生杏花如雪落無聲青霞卷盡畫樓出
中有玉人吹玉笙

贈人

碧溪哀玉響楓林山水孤懷恣遠尋仙子不來秋已暮
古樓斜日獨登臨

李廷龜一首

廷龜號栗谷

崔彥沉輓詩

有友今亡矣。無端夢見之。
長尋臨訣語。獨紀贈行詩。
宛爾龍蛇字。森然玉雪姿。
青山一杯土。衰白淚雙垂。

明詩綜卷九十五上

明詩綜卷九十五上

三六

明詩綜卷九十五下

屬國

小長蘆 朱彝尊 錄

龍眠 方世舉 緝評

朝鮮下

林 弟一首

靜志居詩話自悵至李仁老詩見朝鮮采風錄其官爵世大未詳姑系於此

中和塗中

羸驂馱倦客 日暮發黃州 可惜踏青節 未登浮碧樓 住人金縷曲 江水木蘭舟 寂寂生陽館 孤燈夜似秋

白光勳一首

縣津夜泊

明詩綜卷九十五下

旅泊依津口 重遊屬暮年 鐘聲隔岸寺 人語渡湖船 月上蒹葭遠 燈橫島嶼連 夜深風更急 落鴈不成眠

崔壽城一首

驪江

日暮滄江上 天寒水自波 孤舟宜早泊 風浪夜應多

趙希逸一首

謫中

歸心日夜關 以東歸計即今還 墮空一年春動萬里外 孤山月出千林中 愁來但覺此身遠 醉後不知吾道窮 瓊州雷州何許地 古人今人同不同

張漢瞻云 意致磊落

沐億齡一首

送友還山

塵土無憂染素衣。蕭條石徑接柴扉。飄然又作抽簪計。
夢逐白鷗江上飛。

奇

邁一首

直禁詠懷

南山松柏幽。北山煙霧深。遊子暮何之。庭樹生秋陰。歸
雲度遙峰。宿鳥橫前林。幽懷杳不極。清風吹我襟。
孫愷似
云韋柳

韻

金

塗一首

寄友

楊花落盡草萋萋。楚客傷離思轉懷。佳節一年寒食過。

明詩綜卷九十五

二

亂山千疊子規啼。虞翻去國身全老。王粲登樓賦幾題。
相約天涯回白首。昭陽江上夕陽低。

申

欽一首

寄友

廣陵三月已飛花。漢水孤帆落日斜。新結茅茨分洞府。
欲隨麋鹿作生涯。平波細雨催耕犢。曲水游魚上釣叉。
舉世盡從忙裏過。似君行樂獨堪誇。

權

韞一首

清明

淑氣催花信。輕黃著柳絲。人煙寒食後。鳥語晚晴時。老
去還多事。春來懶賦詩。京華十年夢。惆悵只心知。

越 昱 一首

贈鑑湖主人

十年長掩故山扉。塵土東華幾染衣。想得鑑湖春夜月。子規應喚不如歸。

李孝則 一首

烏嶺

秋風黃葉落紛紛。主屹山高半沒雲。二十四橋嗚咽水。一年三度客中聞。

柳永吉 一首

福泉寺

落葉鳴廊夜雨懸。佛燈明滅客無眠。仙山一到傷春暮。

明詩綜卷九 下

三

烏帽欺人二十年。

魚無迹 一首

逢雪

馬上逢飛雪。孤城欲閉時。漸能消酒力。渾欲凍吟髭。落日無留景。栖禽不定枝。灞橋驢背興。吾與故人期。

李 際 一首

題僧軸

流雲山口草萋萋。夜逐香煙到水西。醉後高歌蒼明月。江花落盡子規啼。

金宗直 一首

佛國寺

爲訪招提境松間紫翠重青山半邊雨落日上方鐘語
與居僧軟杯隨古意濃顏然一榻上相對鬢髮鬆

李承名 一首

詠燕

畫閣深深簾額底雙飛雙語復雙棲綠楊門巷春風晚
青草池塘細雨迷趁蝶有時穿竹塢壘巢終日啄芹泥
託身得所誰相侮養子年年羽翼齊

鄭 磻 一首

聞笛

迢迢沙土人初疑雙白鷺忽聞橫笛音寥亮江天暮

朴文昌 一首

明詩錄卷九十三

四

題郭山雲興館畫屏

萬頃滄波欲暮天將魚換酒柳橋邊客來問我興亡事
笑指蘆花月一船

李 達 一首

病中對雨

花時人病閉門深強折花枝對酒吟
悵悵流光夢中過
賞春無復少年心

李 植 一首

泊漢江

春風急水下輕艫朝發驪陽暮漢江
篙子熟眠雙櫓靜
青山無數過船牕

朴瀾一首

平壤大同館題壁

高句驪起漢鴻嘉宮殿遺
墟草樹遮惆悵乙支文德死
國亡非為後庭花

詩話書序賄肅慎之命孔安國傳云海東諸巨駒驪扶餘野狍之屬武王克商皆通道焉按駒驪王朱蒙漢元帝建昭二年始建國號

姜克誠一首

湖堂早起

江日晚未生蒼茫十里霧
但聞柔櫓聲不見舟行處

鄭之升一首

留別

細草閒花水上亭
綠楊如畫掩春城
無久為唱陽關曲

明詩綜卷九十五下

五

惟有青山送我行

姜渾一首

贈妓

雲鬢梳罷倚高樓
鐵笛橫吹玉指柔
萬里關山一輪月
數行清淚落伊州

金淨一首

旅懷

江南殘夢晝厭厭
愁逐年華日日添
鶯燕不來春又去
落花微雨下重簾

鄭知常一首

醉後

桃花紅雨鳥喃喃，繞屋青山間翠嵐。一頂烏紗慵不整，
醉眠花塢夢江潭。

李仁老 一首

題杏花鸚鵡圖

欲雨未雨春陰垂，杏花一枝復兩枝。問誰領得春消息，
惟有鸚鵡之與鴉。

李子敏 一首

子敏未詳何官

魏園客云：萬曆庚戌仲秋，值朝鮮貢使過人贈
萬曆紙扇，上題有詩稱辛丑秋東岳李子敏作。

賀聖節詩

九遠初日五雲覃，虎拜彤庭百辟參。黼黻星辰璇極北，
梯航玉帛越裳南。河清適際千年一，嵩壽齊呼萬歲三。

明詩綜卷九十五下

六

遐壤小臣陪舞獸，內尊偏倚主恩酬。

朝鮮主試官 一首

嘉靖七年朝鮮人遇風飄至南通州被拘于守

禦所訊之乃其國主試官有詩

詩

白浪滔滔上接空，布帆十幅不禁風。此身若葬江魚腹，

萬里孤臣一夢中。

蓀谷集詩 五首

不詳其名

蓀谷詩集六卷不載姓氏，觀其憶昔行贈申
正郎，洪云：嗟嗟天子聖命，將出東征，首事箕王，都破竹

游刃迎漢京賊先遁，大駕隨公卿草創，朝儀在庶見王都清。一旅復夏
業，簡策傳諸經，無忘在宮心。日日望聖明，知其爲萬曆，間陪臣常神廟
興，復屬國之後，而作詩以誦也。天啓中毛總兵
文龍守皮島，屬訪求東國圖籍，以此集見寄。

渡清川江

安州城外水如天。立馬沙頭喚渡船。帆帶晚烟依草岸。
鴈迷殘日下蘆田。長塗旅客思歸計。向老筋骸憶少年。
始信在家貧亦好。近來雙鬢轉蕭然。

題清道李家壁

南來數月計多違。節序如流已授衣。旅舍不堪黃葉落。
暮天遙望白雲飛。沙梁鴈下寒江渚。門巷烟深苦竹扉。
唯有同來野僧在。病吟相對話西歸。

客懷

此身那復計西東。到處悠悠逐轉蓬。同舍故人流落後。
異鄉新歲亂離中。歸鴻影度千峰雪。殘角聲飛五夜風。
惆悵水雲關外路。漸看芳草思無窮。

明詩綜卷九十五下

七

贈樂師許憶鳳

雙眸覆眼鬢蕭蕭。曾拾黎園紫玉簫。移向瑤臺彈一曲。
曲終垂淚說先朝。

悼亡

妝奩蟲網鏡生塵。門掩桃花寂寞春。依舊樓明月在。
不知誰是卷簾人。

梅月堂詩

一首

和鍾靈山居詩

蛺蝶雙雙舞藥畦。薔薇架架采登梯。一叢枸杞花初徧。
五椹人蓂葉已齊。翠竹林中香麝睡。紫荊枝上畫眉啼。

千盞昨夜疎疎雨不分南池漲入溪

洛師浪客 一首

安定館北驛

四月關門路風沙氣慘悽河邊春鴈盡林外曉鶯啼去
國魂長往思家意轉迷羸驂經左道今日向安西

無名氏 一首

沈駙馬碧波亭

貴主華亭入翠微碧牕朱栱有光輝春來波暖魚龍出
夜久星疎烏鵲飛海上乘查時貫月江邊積石舊支機
當筵勸酒先投轄不醉應知客不歸

月山大君婷 一首

明詩餘卷之三

八

詩話娉婷詩一首見吳子魚朝鮮詩選

應是朝鮮女子按說文

廣韻均不載有娉字惟玉篇有之注徒寧切和色也樂府詩集漢辛延年羽林郎篇不意金吾子娉婷過我廬娉婷字並用始此江南弄和云陽春路娉婷出綺羅喬知之詩明珠十斛買娉婷杜甫詩不嫁惜娉婷劉長卿不知娉婷色回照今何似韓愈詩砧影伴娉婷白居易詩明妃風貌最娉婷李商隱詩娉婷小苑中羅虬詩大都相似更娉婷則唐入固相沿用之載考丁度集韻姪或作婷可補廣韻之闕采風集收娉詩娉上冠以月山大君字當是東國尊稱殆非民間女子也

古寺尋花

春深古寺燕飛飛深院重門客到稀我正尋花花盡落
尋花翻為惜花歸

成氏 一首

竹枝辭

灤東灤西春水長郎舟已去向瞿塘巴江峽裏啼猿苦
不到三聲已斷腸

俞汝舟妻

一首

別贈

恨別逾三歲。衣裘獨禦冬。秋風吹短鬢。寒鏡入衰容。旅
夢風塵際。離愁關塞重。徘徊思遠近。流歎滿房櫳。

趙媛妾李氏

二首

詩話媛官學士承旨死後亂妾李自號玉峰主人詩
如兩兩鷓鴣失舊磯銜魚飛入菰蒲去亦佳句也

采蓮曲

南湖采蓮女。日日南湖歸。盪槳嬌無力。水濺越羅衣。無
心却回櫂。貪看鴛鴦飛。

自適

虛檐殘溜雨。纖纖枕簟輕。寒曉漸添。花落後庭春。睡美。

明詩綜卷九十五

九

呢喃燕子要開簾

許景樊

五首

景樊字蘭雪。筠筠之妹。適進士金成立。後成立

殉國難。遂為女道士。有集。

景樊八歲作廣寒殿
玉樓上梁文才出。筠筠二兄之

右金陵朱狀元之蕃使東國得其集以歸。遂盛傳於中夏。陳卧子云
許氏學李氏而合作。有盛唐之風。外藩女子能爾。可見本朝文教之遠。
詩話明閩秀詩類多偽作。轉相附會。久假不歸。如今日相達白司馬傳
前重與訴琵琶。吳中范昌朝題老伎卷也。詩載皇明珠。玉而謬云鐵氏。
一女寒氣逼人。眠不得。鍾聲催月下迴廊。三泉王佐宮詞也。詩載石倉
詩選。而假稱宮人。嬪蘭泉流不歸山。羅文毅作。而謂致節婦詩。誰言妾
有夫。高侍郎作。而謂章恭毅母。他若忽聞天外玉簫聲。寧獻王權之詠。
權妃即指為權貴妃。作風吹金鎖。夜聲多難聽。林環之詠。秋怨。遂誣為
王莊妃詞。甚至析情字為小青。小青家者。過孤山。而流連託聽句於薛
濤。刻齋集者。綴卷尾。而削剛助談小說。貽笑通人。吾於許景樊之詩。見
其篇章句法。宛然嘉靖七子之體裁。未應
風教之訛。符合如是。不能無贗鼎之疑也。

望仙謠

王喬招我游期我崑崙墟朝登玄圃峰遙望紫雲車雲
車何煌煌玄圃路茫茫倏忽凌天漢翻飛向扶桑扶桑
幾千里風波路阻長吾欲舍此去佳期安可忘君心知
何許賤妾徒悲傷

次伯兄高原望高臺韻

層臺一柱壓嵯峨西北浮雲入塞多鐵峽霸圖龍已去
穆陵秋色鴈初過山迴大陸吞三郡水割平原紉九河
萬里登臨愁日暮醉憑青嶂獨悲歌

次仲兄筠高原望高臺韻

崔嵬雲棧接青霄峰勢侵天作漢標山脈北臨三水絕
地形西壓兩河遙烟塵暮卷孤城出首宿秋深萬馬驕

明詩綜卷九十五下

十

東望塞垣鼙鼓急幾時重起霍嫫媯

效崔國輔

妾有黃金釵嫁時爲首飾今日贈君行千里長相憶

雜詩

精金明月珠贈君爲雜佩不惜棄道旁莫結新人帶

安南

詩話安南曾爲郡縣漸文治者深而其國人詩選家多
置不錄予從李文鳳越橋集擇其詞旨馴雅者著於篇

國王黎灝一首

灝一名思誠天順四年國人所立卒私謚淳皇

帝僭號聖宗

送錢學士溥歸朝

五嶺天高瘴霧開。詔書飛下越王臺。萬年重紀黃龍瑞。
九譯爭看白雉來。曉日珠崖標柱在。秋風銀漢使查回。
吾君若問交南事。久已傾心仰上台。

黎景微 一首

景徽文職大頭目僭左僕射

奉贈錢學士

紫殿承恩入夢頻。歸鞭裊裊向天津。蘋袍色映千山曉。
玉節光回萬井春。五嶺風輕金勒緩。三湘月白錦帆新。
夜闌宣室如前席。為道交南共帝臣。

阮直 一首

直爵里未詳

明詩綜卷九十五下

送錢學士還朝

曉日初開瘴霧空。歸程馬首正秋風。知音豈限珠厓北。
惜別那禁瓊水東。上國有人還獻納。遐方無事賴憐蒙。
他年兩地如相憶。萬里懸情寄塞鴻。

黃清 一首

奉清僭吏曹侍郎

送錢學士還朝

公望端堪邁俊豪。遠持使節效賢勞。九霄日月瞻依近。
萬里江山興詠高。別酒頻斟情戀戀。歸心莫遏水滔滔。
自從回首天南後。幾度懷人正鬱陶。

黎天念 一首

念大頭目

送湛內翰還朝

綸音讀罷紫泥封。回首蓬萊第一峰。望外交關千里月。
夢中帝闕五更鐘。星查迢遞歸程遠。雲樹參差別思濃。
南浦吟成憑寄語。滔滔江漢共朝宗。

阮澤民一首

澤民爵里未詳

送湛內翰還朝

日送星軺萬里旋。那堪惜別思淒然。交關此日分岐後。
南北春風共一天。

安南使臣

一首

明詩綜卷九十五

題南康縣南野

鼓報黃昏各泊船。啾啾軋軋櫓聲連。一雙鳧鴈滄浪外。
幾箇人家楊柳邊。紅日落殘鈎挂月。白雲卷盡鏡磨天。
安南萬里朝天客。暫借郵亭一夕眠。

占城

貢使

二首

進貢初發占城

行盡河橋柳色邊。片帆高挂遠朝天。未行先識歸心早。
應是燕山有杜鵑。

江樓留別

青嶂俯樓樓俯渡。遠人送客此經過。西風揚子江邊柳。

落葉不如離思多

詩話近峰聞略載占城使臣寓蘇州之天王堂問葵花何名人給之曰一大花也即題詩曰花於木槿渾相似葉比芙蓉只一般五尺闌干遮不住獨留一半與人看抄此乃寶應陶成題李西涯滙館中葵花之作

日本

嚙哩嘛哈

或作答黑麻一首

詩話高帝惡倭不恭示以欲征之意日本進表辭頗不遜命嚙哩嘛哈上表帝問其風俗答五言詩既而絕其貢考日本疆域時拓地八道六十六州六百一十三郡八十二浦宜其不知漢大而云國比中原國也若其人多壽就國王論如神武天皇一百二十七歲孝昭天皇一百一十八歲孝安天皇一百三十七歲孝靈天皇一百二十五歲孝元天皇一百一十七歲開化天皇一百一十五歲成務天皇一百一十七歲垂仁天皇一百一十四歲景行天皇一百有六歲成務天皇一百有七歲神功天皇百歲應神天皇仁德天皇俱百有十歲雄略天皇百有四歲降年之永中土所希所云人同上古人言雖大而非夸矣惟是國俗無冠國王但著烏帽直而頂圓鏡高半尺以鎗爲之男女笠用蒲或竹或楮木謂爲唐制度夫豈其然至若天皇之子娶於其族夫死妻立兄死妹立子死母立何禮之有明祖絕其貢使不亦宜乎

明詩綜卷九五下

三

答大明皇帝問日本風俗

國比中原國人同上古人衣冠唐制度禮樂漢君臣銀
甕斝清酒金刀繪紫鱗年年二三月桃李自陽春

並
福一首

宣德七年倭船入貢凡九艘其使普福迷失於

樂縣沙嵩藤嶺獲解

被獲歎懷

來游上國看中原細嚼青松咽冷泉慈母在堂年八十
孤兒爲客路三千心依北闕浮雲外身在西山返照邊
處處朱門花柳巷不知歸日是何年

中心叟一首

叟日本使臣

弔郭璞墓

遺音寂寂鎖龍門。此日青囊竟不聞。水底有天行日月。墓前無地拜兒孫。秋風野寺施香飯。夜月漁燈照斷魂。我有誄歌招不返。停船空見白鷗羣。

詩話葬師言禍福多本於景純之經然試與百人分謀之無一人同者所云龍穴砂水向背如杓鑿詭語之不相入其說業已難擇加以日者配以年神方煞吉神祇百二十凶神倍之規避實難以是不克葬者多矣世傳景純墓在金山足過於詭奇沈啓南詩氣散風衝豈可居先生埋骨理何如日中數莫逃兵解世上人猶信葬書如叩晨鐘昧者可以發深省矣中心叟墓前無地拜兒孫一語亦足發笑詩載廬陵胡經用甫金山志志成於正德辛巳文侍詔徵仲序之

無名氏 一首

春雪

明詩綜卷九十五下

古

昨夜東風換北風。釀成春雪滿長空。梨花樹上白添白。杏子枝頭紅不紅。鶯問幾時能出谷。燕愁何日得泥融。寒冰鎖却秋千架。路阻行人去不通。

釋天祥 三首

寄南珍

上人居處僻。心與石泉清。道在從違俗。身閒不用名。空階松子落。雨徑蘚花生。怪得稀相見。年來懶到城。

長安春日

何事長安客。春來思易迷。樂游原上草。無日不萋萋。

榆城聽角

十年游子在天涯。一夜秋風又憶家。恨殺葉榆城上角。

曉來吹入小梅花。

釋機先 二首

送別

天書召賈生。匹馬出滇城。白首相逢處。青雲送別情。山
經巫峽盡。水到楚江平。好獻治安策。殷勤荅聖明。

挽逯光古先生

昨日來過我。今朝去哭君。那堪談笑際。便作死生分。曠
達陶徵士。蕭條鄭廣文。猶憐埋骨處。西北有孤雲。

明詩綜卷九十五下

明詩綜卷九十五下

五

彭蠡歸士蕭條廣文辭謝野首賦西北有孤雲

昨日來過我今朝去哭君那堪談笑際便作死生分曠

達陶徵士蕭條鄭廣文

猶憐埋骨處西北有孤雲

天書召賈生匹馬出滇城白首相逢處青雲送別情山

經巫峽盡

水到楚江平

好獻治安策

殷勤荅聖明

